


Liturg.

95⁹
h

3



Acting

Officer

deputy

952

FOR THE 207 BIBLE, FOR THE 207



Miseremini mei Saltem vos amici mei!

OFFICIUM
DEFUNCTORUM,
METAPHRASI
ILLUSTRATUM,
CUM
LITANIIS OO. SS.
AD USUM
DD. SODALIIUM
CONGREGATIONIS MAJORIS
LATINÆ MATRIS PROPITIÆ,
QUÆ EST
MONACHII,
PRO XE N T O
OBLATUM

ANNO M. DCC. LXXXVII.



LITTERIS FRANZIANIS.

Bayerische
Staatsbibliothek
München

ME A. R. I. A. N. T. S
DD. SODALIBUS
FELICITATEM.

Post indictionem Festi principali nostri, ad quod 25. Martii celebrandum omnes quam humanissime invitantur, brevem præsentis libelli explicatum præmittendum esse arbitror.

Continetis præcipue officium defunctorum, quod majusculis literis impressum sæpe sæpius a nobis requisitum fuit ab iis, qui hoc typi commodum olim apud nos inveniri potuisse non ignorabant. Sed partim tempore partim manibus attrita exemplaria antiqua defecerunt; quibus proinde nova sufficere deliberatum est, ut salubre pro mortuis orandi consilium etiam per hebetes oculos neque impediri, neque excusari possit.

Mo.



More quidem antiquo apud nos receptum, ut statis per annum temporibus Sodales in Odeo ad persolvendum hoc officium conveniant; verum ut fratres quoque absentes in partem hujus pietatis quandocunque venire possint, facere me oportebat, ut libellus iste in omnium manu versetur. Qui constituerunt, pensum hoc mortuale vel in dies, vel certo dierum intervallo paulo brevius conficere, eorum causa procuravi, ut singulis hebdomadæ diebus singula matutini nocturna respondeant. Quod autem probe advertendum juxta existimo, id est: nequaquam hoc animo officium ita digestum esse, ut uni & unico tantum exequiarum usui accomodetur; sed istud a me multo diligentius factitatum est, ut fructus uberior etiam in vivos, & distinctus ab eo redundet, quem nostrum de mortuis bene merendi studium ob bonæ



voluntatis rationem referre solet. Fructum vero hunc amplissimum intendo, quem natus Psalmorum genius potest comparare, qualis tam Davidis, quam Ecclesiæ sensu profectus est. Legenti titulos perspectum erit, plerosque de rerum humanarum vanitate, de vitæ hujus calamitate & miseriis, de morte, & iis, quæ mortem consequuntur, tractare; in quorum proin meditationem defigere & ad hanc ipsam omnes animi affectus attemperare consultum erit, ut nos sensim perpurgati a rerum fluxarum sordibus, cælestium non inanes, pulcrum ad nostrummet excessum faciamus præparationem.

Alteram officii partem faciunt lectiones ex libro Job, qui omnibus, & maxime Hebræis, in Ægypto graviter afflictis vivum dabatur a Deo exemplum patientiæ; quibus paucas explanandi & meditandi formulas sub-

subjeci, quæ, quod hispidum videtur esse in sententiis, adæquatum ad virtutis regulam demonstrent.

Tertiam partem officii efficiunt orationes Ecclesiæ, quarum virtus est maxima.


Pio huic exercitio mortuis bene precandi addo exercitium aliud æque pium in honorem S. Mariæ Virginis Matris Dei, & omnium Sanctorum. pag. 146.

Cetera ostendimus, quo animo afficiamur erga Sodales nostros vita laudabili defunctos, in exequiis Excellentissimi DD. Francisci Josephi Mariæ S. R. J. Comitis de Seinsheim, Dom. in Sünching &c. ord. eq. B. V. immacul. a S. Georgio M. & S. Hubert. magnæ Cruc. Dom. Supremi aulæ Præfecti &c. quas trigesima Januarii die, quæ vigesima tertia fuit ab illius obitu, in odeo nostro coram illustrissima Familia celebravimus. Hanc ipsi pietatem a nobis deberi existi-

sti.



stimavimus, quia & ipse pietate
singulari ferebatur in cultum
beatissimæ, cui festos dies abs-
que Sacramentorum frequen-
tatione nullos abire permisit;
quos inter solennior semper fuit
ille tituli nostri de annunciata
dicti, quem privatus horis matu-
tinis pro se in odeo nostro, dein
vero iterum ex officio in comita-
tu aulico transegit. Et ab hac re-
ligione nihil remisit, cum anno
superiore afflicta uteretur vale-
tudine, e gravissimo morbo ut-
cunque recreatus. Hanc quo-
que Sodalium legem assidue ob-
servavit, per quam in dies san-
cto Missæ sacrificio adesse tenen-
tur: aliam insuper legem ipse-
met sibi constituit, ut die in Au-
læ obsequiis consumpto, ante
quam cubitum concederet, in sa-
cro quodam recessu semihoræ
spatio piis ad Deum precibus va-
caret. Sed ne orationi præcipu-
um deesset, ex Christi instituto
misericordiam conjunxit, quam
pro-



proprio nomine Eleemosynam
vocamus. Neque in pauperes
tantum liberalis, etiam in hanc
congregationem nostram tanta
bonitate, ac beneficentia fuit,
ut benefactoribus adscribi me-
reatur; hac insuper re inter nos
memorabilis, quod sæpe pro
summis principibus præfectu-
ram gessit, facile Sodalitatis Se-
nior. Non minus longissimo tem-
pore in pacto mortuali fuit, cu-
jus uberimum tulisse fructum ex
reciprocae caritatis lege confidi-
mus, quod exemplum tam illu-
stre est, ut per se ad pactum idem
quam plurimos invitet.

Monachii d. 25 Febr. 1787.

Servus in Christo

L. S.

OF.



OFFICIUM DEFUNCTORUM.

*Dicitur integrum cum Invitatorio
& tribus Nocturnis, & Antiphonæ
duplicantur, tam ad Vesperas, quam
ad Matutinum, in die omnium Fide-
lium defunctorum, in die Depositionis,
& in Anniversario alicujus defuncti,
cum una tantum oratione, ut infra.*

*Ad Vesperas onittitur Psalmus Lau-
da anima, & ad Laudes de Profundis.*

*Reliquo anni tempore dicitur Offi-
cium, ut est notatum.*

*Nota. Sacerdos semper inchoat An-
tiphonam sequentis Psalmi; uti etiam
ad Magnificat & Benedictus.*

*Idem quoque incipit Versus, tam
ante Magnificat, Nocturnos, & Bene-
dictus, quam omnes alios.*

A

AD

AD VESPERAS.

Absolute incipitur ab Antiphona :

Placebo Domino in regione vivorum.

Psalms 114.

Dilexi, quoniam exaudiet Dominus * Vocem orationis meæ.

Quia inclinavit aurem suam mihi :
* Et in diebus meis invocabo.

Circumdederunt me dolores mortis : * Et pericula inferni invenerunt me.

Tribulationem & dolorem inveni :
* Et nomen Domini invocavi.

O Domine libera animam meam :
* Misericors Dominus & justus, & Deus noster miseretur.

Custodiens parvulos Dominus : *
Humiliatus sum, & liberavit me.

Convertere anima mea in requiem tuam : * Quia Dominus benefecit tibi.

Quia

Argumentum Psalmi 114.

Amor, & amantis gemitus, inter vitæ hujus adversitates, præcipua laus Dei sunt. *Rupertus Abbas in hunc Psalmum.*

Metaphrasis.

Diligo Dominum, quoniam exaudit vocem deprecationum mearum.

Quoniam inclinat ad me aurem suam, etiam deinceps per omnes vitæ dies invocabo eum.

Circumdant me dolores mortis, & pericula Sepulcri in angustias me adigunt.

Ærumnam & dolorem invenio; sed agedum, invoca nomen Domini dicens:

Libera quæso, o Domine! Animam meam. Dominus æque misericors est, & justus: Deus noster miseretur nostri.

Custodit Dominus imbecilles & infirmos: attenuatus eram, & liberando me servavit.

Quare requiesce anima mea; & enim Dominus benefecit tibi.

Quia eripuit animam meam de morte : * Oculos meos a lacrymis, pedes meos a lapsu.

Placebo Domino : * In regione vivorum.

In fine omnium Psalmorum dicitur :

ŷ. Requiem æternam dona eis Domine :

R. Et lux perpetua luceat eis.

Antiph. Placebo Domino in regione vivorum.

Antiph. Heu mihi Domine, quia incolatus meus prolongatus est.

Psalmus 119.

Ad Dominum cum tribularer, clamavi : * Et exaudivit me.

Domine libera animam meam a labiis iniquis : * Et a lingua dolosa.

Quid detur tibi, aut quid apponatur tibi * Ad linguam dolosam ?

Sagittæ potentis acutæ : * Cum carbonibus desolatoriis.

Heu

(Ita Domine) Nam tu eripuisti animam meam morti, oculos meos lacrymis, pedes meos lapsui.

Ambulabo coram Domino, ut placeam ei in regione vivorum.

Argumentum Psalmi 119.

Contra Detractores & maledicos. In Sensu morali pro illis, qui ex hujus vitæ calamitatibus ad cælestem patriam enituntur.

Metaphrasis.

Ad Dominum in angustiis meis clamavi; & misertus est mei.

Sic autem clamavi: Domine libera animam meam a labio mendace, a lingua fraudulenta & captiosa.

Quid vero mercedis dabitur tibi, o Homo maledice! aut quid lucri tibi ob linguam tuam accedat?

En tibi! hoc lucrum erit; nempe ultiones Dei potentis acutæ, velut Sagittæ, urentes velut carbones infernales.

Heu

Heu mihi, quia incolatus meus
prolongatus est; habitavi cum habi-
tantibus Cedar: * Multum incola
fuit anima mea.

Cum his, qui oderunt pacem,
eram pacificus: * cum loquebar illis,
impugnabant me gratis.

Requiem æternam. *ut supra.*

Antiph. Heu mihi Domine, quia
incolatus meus prolongatus est.

Antiph. Dominus Custodit te ab
omni malo: Custodiat animam tuam
Dominus.

Psalms 120.

Levavi oculos meos in montes:
* Unde veniet auxilium mihi.

Auxilium meum a Domino: * Qui
fecit cælum & teram.

Non det in Commotionem pedem
tuum: * Neque dormitet, qui cu-
stodit te.

Ecce non dormitabit, neque dor-
miet: * Qui custodit Israel.

Domini-

Heu mihi ! quamdiu protrahitur peregrinatio mea, dum habito inter tabernacula Cedarenorum, hominum barbarorum in Arabia ! Nimis diuturna est Commoratio animæ meæ in his terris.

Ego quidem cum his pacis osoribus nihilominus pacificus eram : & tamen cum modeste ipsis loquerer pro pace, absque caussa me impugnabant.

Argumentum Psalmi 120.

Auxilium, Salus, & consolatio nostra in Deo solo est, quamdiu peregrinamur in terris. *Georg. Wicelius Senior in hunc.*

Metaphrasis.

Peregre oraturus attollo oculos meos in montes sanctos Jerusalem, unde veniat auxilium mihi ;

Auxilium, inquam, mihi a Domino supremo, qui fecit cælum & terram.

Hic auxiliator tuus non finet vacillare pedem tuum, anime mi ! neque dormitantis instar negliget te hic custos tuus.

Profecto non dormitabit, multo minus dormiet, qui Israelem custodit.

Do.

Officium

Dominus custodit te, Dominus
protectio tua: * Super manum dex-
teram tuam.

Per diem sol non uret te: * Ne-
que luna per noctem.

Dominus custodit te ab omni ma-
lo: * Custodiat animam tuam Do-
minus.

Dominus custodiat introitum tu-
um, & exitum tuum: * Ex hoc nunc
& usque in sæculum.

Requiem æternam. &c.

Antiph. Dominus custodit te ab
omni malo: custodiat animam tuam
Dominus.

Antiph. Si iniquitates observave-
ris Domine, Domine qui sustinebit?

Psalms 129.

De profundis clamavi ad te Do-
mine: * Domine exaudi vo-
cem meam.

Fiant aures tuæ intendentes *
In vocem deprecationis meæ.

Si

Defunctorum.

Dominus custodit te , Dominus protector tuus obumbrat te ad manum dexteram tuam , ita ,

Ut per diem non urat te calor solis , neque frigus lunæ per noctem.

Paucis ; Dominus custodiet te ab omni malo tam aperto , quam subdolo , custodiet animam tuam Dominus.

Dominus custodiet te & aggredientem negotia tua , & absolventem ea , ex hoc tempore in perpetuum.

Argumentum Psalm. 129.

Respectus e profunditate peccatorum ad misericordiam Dei. *Carrierus in hunc.* Sive oratio pro obtinenda venia peccatorum , quæ separatim quoque nomine Fidelium defunctorum in igne lustrico detentorum persolvi solet.

Metaphrasis.

E profundissimo carcere calamitatis , e voragine peccatorum clamavi ad te Domine ! Domine exaudi preces meas.

Attendant , quæso , aures tuæ ad vocem veniam postulantis.

Si iniquitates observaveris Domine : * Domine quis sustinebit ?

Quia apud te propitiatio est : * Et propter legem tuam sustinui te Domine.

Sustinuit anima mea in verbo ejus : * Speravit anima mea in Domino.

A custodia matutina usque ad noctem : * Speret Israel in Domino.

Quia apud Dominum misericordia : * Et copiosa apud eum redemptio.

Et ipse redimet Israel : * Ex omnibus iniquitatibus ejus.

Requiem æternam, &c.

Antiph. Si iniquitates observaveris Domine, Domine qui sustinebit ?

Antiph. Opera manuum tuarum Domine ne despicias,

Psalms.

Si enim iniquitates nostras , in libro rationum diligenter notatas , custodias Domine ; Domine quis consistet ?

Attamen scio , quod apud te condonationi locus datur : & propter legem tuam , quam ipse tibi statuisti pœnitentibus indulgendi , spe plenus expectavi te misericors Domine !

Expectavit anima mea verbum hujus promissionis , & fidelitatis divinæ : confidit anima mea in Domino.

A primo mane usque ad seram noctem spera Dominum , o Israel !

Est enim Domino proprium miseri-ri semper & parcere ; & misericordia Domini omnes redimentis plena est terra.

Tanto magis Israelem ab omnibus iniquitatibus suis redimet.

Argumentum Psalmi. 137.

Deus humilia respicit. In Sensu ac-
comodo oratio pro dono perseverantiæ
in Ecclesia usque ad mortem.

Psalmus 137.

Confitebor tibi Domine in toto corde meo : * Quoniam audisti verba oris mei.

In conspectu Angelorum psallam tibi : * Adorabo ad templum sanctum tuum , & confitebor nomini tuo.

Super misericordia tua , & veritate tua : * Quoniam magnificasti super omne , nomen sanctum tuum.

In quacunque die invocavero te , exaudi me : * Multiplicabis in anima mea virtutem.

Confiteantur tibi Domine omnes reges terræ : * Quia audierunt omnia verba oris tui.

Et cantent in viis Domini : * Quoniam magna est gloria Domini.

Quoniam excelsus Dominus , & humilia respicit : * Et alta a longe cognoscit.

Metaphrasis.

Ago tibi gratias, Domine, & ex
toto corde laudo te, quoniam exau-
disti verba omnia oris mei.

In conspectu angelorum cantabo te,
& adorabo in templo sancto tuo, &
laudabo nomen tuum

Propter misericordiam & veritatem
tuam: Etenim nomen tuum, & eloquium
super omnia magnificasti.

Quotiescunque te invocavero, mise-
rere mei: & robur animi mei multi-
plica.

Laudent te omnes Reges terræ, Do-
mine! quia audierunt omnia verba oris
tui, (tuorumque Apostolorum.)

Et cantent in viis Domini confiten-
tes, magnam esse gloriam Domini:

Quoniam Dominus solus est altissimus,
& respicit humilia; contra vero alta quæ-
vis eminus despicit.

Si ambulavero in medio tribulationis, vivificabis me: * & super iram inimicorum meorum extendisti manum tuam, & salvum me fecit dextera tua.

Dominus retribuet pro me: * Domine misericordia tua in sæculum: opera manuum tuarum ne despicias.

Requiem æternam.

Antiph. Opera manuum tuarum, Domine, ne despicias.

ŷ. Audivi vocem de cælo, dicentem mihi.

℞. Beati mortui, qui in Domino moriuntur.

Antiph. Omne, quod dat mihi Pater, ad me veniet, & eum, qui venit ad me, non ejiciam foras.

Canticum B. M. V. Luc. i.

Magnificat * Anima mea Dominum:

Et exultavit spiritus meus: * In Deo salutari meo.

Quia

Mediis in angustiis meis tu me lætificas: tu manum tuam extendis contra iram inimicorum meorum, & dextera tua conservat me.

Dominus rependet ipsis mei loco, quod merentur. Domine! misericordia tua æternum durat: opus manuum tuarum ne contemne, neu destitue.

Argumentum Cantici.

Maria est Mater vitæ nostræ, & vivorum, erudiens nos in hoc carmine vaticino præsertim ad humilitatem, quæ est radix beatitatis, sanctitatis, omnisque gratiæ divinitus concessæ. Hoc animo & ipsa laudat Deum pro beneficiis omnis generis præstitis I. *Sibi*, ab initio usque ad Vers: *Et misericordia ejus.* &c. II. *toti Israel* ante adventum Christi, inde usque ad Vers: *Suscepit Israel.* &c. III. *eidem Israeli* post & per adventum Christi. S. Bernard. August. Beda &c.

Paraphrasis.

Te Deum laudo: te Dominum confiteor.

Et gaudet Spiritus meus in Deo Solo, quia hic est Vita, salusque mea.

Hic

Quia respexit humilitatem ancillæ
suæ: * Ecce enim ex hoc beatam
me dicent omnes generationes.

Quia fecit mihi magna, qui po-
tens est: * Et sanctum nomen ejus.

Et misericordia ejus a progenie
in progenies * Timentibus eum.

Fecit potentiam in brachio suo:
* Dispersit superbos mente cordis
sui.

Deposuit potentes de sede: * Et
exaltavit humiles.

Esfurientes implevit bonis: * Et
divites dimisit inanes.

Suscepit Israel puerum suum: *
Recordatus misericordiæ suæ.

Sicut locutus est ad Patres nostros:
* Abraham & semini ejus in sæcula.

Re.

Hic suæ misericordiæ oculum in Ancillæ suæ humilitatem ita convertit, ut ex hoc tempore beatam me prædicent *Dominam* omnes gentes, ætates, & hominum ordines.

Nam omnipotens in me tam magna fecit, ut majora non possit; & *quod ex me nascetur sanctum*, laudabile nomen ejus.

Illius misericordia, & beneficentia ab initio mundi, usque ad finem omnibus prompta est, & expedita, qui sancte ipsum timent.

Olim prodigia patrans fecit potentiam in brachio suo, vel cum disperfit Babylonios, quorum arrogans cor superbis cogitationibus efferebatur;

Vel cum Tyrannos Assyriæ &c. de thronis deturbavit, ut tenues, exiguos, pauperes exaltaret.

Vel cum esurientes in deserto &c. omni genere bonorum ditavit, divites vero ipsos in Ægypto & Chanaan &c. exspoliavit.

Nunc vero prodigium prodigiorum fit; nunc mittens consumatum auxilium ex alto Israellem liberavit, memor suæ promissionis utique misericordis,

Quam fide certissima de Messia fecit patribus nostris, Abraham nimirum, ejusque posteris in perpetuum.

Requiem æternam. &c.

Antiph. Omne quod dat mihi Pater, ad me veniet, & eum, qui venit ad me, non ejiciam foras.

Preces infra scriptæ in Ferialibus diebus dicantur flexis genibus.

Pater noster. *Secreto.*

ψ. Et ne nos inducas in tentationem.

℞. Sed libera nos a malo.

Psalms 145.

Lauda anima mea Dominum, laudabo Dominum in vita mea : *
Psallam Deo meo, quamdiu fuero.

Nolite confidere in principibus :
* In filiis hominum, in quibus non est salus.

Exibit spiritus ejus, & revertetur in terram suam : * In illa die peribunt omnes cogitationes eorum.

Beatus, cujus Deus Jacob adjutor ejus spes ejus in Domino Deo ipsius : * Qui fecit cælum, & terram

Argumentum Psalmi 145.

In hac mortalitate, nulla Salus apud Principes, qui & ipsi mortales sunt; sed omne adiutorium nostrum in nomine Domini.

Metaphrasis.

Lauda anima mea Dominum. Donec vivam, laudabo Dominum; donec superstes fuero, laudes Domini cantabo.

Ne fiduciam ponite in Principibus, aut illis mortalium filiis, in quibus non est Salus;

Nam eorum unusquisque, edito supremo vitæ spiritu, revertetur in terram: eademque die cessabit ipse cogitare, & cogitari.

Ille vero beatus, cui Deus Jacob adiutorium præstat, cujus Spes in Domino Deo suo; qui fecit cælum & ter-

ram, mare, & omnia, quæ in eis sunt.

Qui custodit veritatem in sæculum,
facit iudicium injuriis patientibus :
* Dat escam esurientibus.

Dominus solvit compeditos : *
Dominus illuminat cæcos.

Dominus erigit elisos : * Domi-
nus diligit justos.

Dominus custodit advenas, pupil-
lum & viduam suscipiet : * & vias pec-
catorum disperdet.

Regnabit Dominus in sæcula, De-
us tuus Sion : * In generationem &
generationem.

Requiem æternam. &c.

ψ. A porta inferi.

℞. Erue Domine animas eorum.

ψ. Requiescant in pace.

℞. Amen.

ψ. Domine exaudi orationem
meam.

℞. Et clamor meus ad te veniat.

Ore-

ram, mare & omnia, quæ subtus & supra sunt :

Qui verbo suo æternum fidelis est, qui jus dicit injuriam patientibus : qui dat escam esurientibus.

Dominus est, qui compedes victorum solvit : Dominus qui cæcos illuminat :

Dominus, qui casu afflictos & incurvatos erigit : Dominus, qui justos amat.

Dominus qui custodit advenas, pupillum & viduam sublevat, & viam impiorum pessumdat.

Dominus Deus tuus, o Sion, Rex erit omnium seculorum, & omnium in iis hominum.

Oremus.

Pro Episcopo. Oratio.

Deus , qui inter Apostolicos Sacerdotes famulum tuum N. Pontificali fecisti dignitate vigere : præsta quæsumus , ut eorum quoque perpetuo aggregetur confortio. Per Dominum nostrum Jesum Christum &c. &. Amen.

Pro Sacerdote. Oratio.

Deus , qui inter Apostolicos Sacerdotes famulum tuum N. Sacerdotali fecisti dignitate vigere : præsta quæsumus , ut eorum quoque perpetuo aggregetur confortio. Per Dominum nostrum &c. &. Amen.

Pro uno defuncto. Oratio.

Absolve quæsumus Domine , animam famuli tui N. ut defunctus sæculo tibi vivat : & peccata ,
quæ

quæ per fragilitatem carnis humana
conversatione commisit, tu venia
misericordissimæ pietatis absterge.
Per Dominum nostrum Jesum Chri-
stum &c. R. Amen.

ψ. Requiem æternam dona ei
Domine.

R. Et lux perpetua luceat ei.

ψ. Requiescant in pace.

R. Amen.

*In Anniversario Sodalium de-
functorum.*

Diſto Pater noster *secreto*, di-
citur :

ψ. Et ne nos inducas intenta-
tionem.

R. Sed libera nos a malo.

ψ. A porta inferi.

R. Erue Domine animas eorum.

Re-

ψ. Requiescant in pace.

℞. Amen.

ψ. Domine exaudi orationem meam.

℞. Et clamor meus ad te veniat.

ψ. Dominus vociscum.

℞. Et cum spiritu tuo.

Oremus.

Deus, veniæ largitor, & humanæ salutis amator, quæsumus clementiam tuam: ut nostræ Congregationis fratres, propinquos, & benefactores, qui ex hoc sæculo transierunt, beata Maria semper Virgine intercedente cum omnibus Sanctis tuis, ad perpetuæ beatitudinis consortium pervenire concedas. Per Dominum nostrum Jesum Christum &c. ℞. Amen.

ψ. Requiem æternam dona eis Domine.

℞. Et lux perpetua luceat eis.

Re-

ŷ. Requiescant in pace.

℞. Amen.

ALIA ORATIO.

In Anniversario Defunctorum.

Deus indulgentiarum Domine :
da animabus famulorum, famu-
larumque tuarum, quorum anniver-
sarium depositionis diem comme-
moramus, refrigerij sedem, quie-
tis beatitudinem, & luminis cla-
ritatem. Per Dominum nostrum
Jesum Christum &c.

ALIA ORATIO.

Fidelium Deus omnium Conditor
& Redemptor, animabus famu-
lorum, famularumque tuarum re-
missionem cunctorum tribue pec-
catorum: ut indulgentiam, quam
semper optaverunt, piis supplica-
tio-

tionibus consequantur. Qui vivis
& regnas in sæcula sæculorum.
Amen.

ψ. Requiem æternam dona eis
Domine.

℞. Et lux perpetua luceat eis.

ψ. Requiescant in pace.

℞. Amen.



AD

AD MATUTINUM

Dicitur Sequens Invitatorium in die commemorationis omnium Fidelium defunctorum, & quoties dicuntur tria Nocturna. Aliis vero temporibus omit- titur, & inchoatur ab Antiph. Psal- morum Nocturni, dicitur tantum unum Nocturnum cum suis Laudibus hoc ordine:

Feria II & V primum Nocturnum.

Feria III & VI secundum Nocturnum.

Feria IV & Sabbato tertium Noctur- num.

Invitatorium.

Regem, cui omnia vivunt, venite adoremus. Repetitur.

Regem, cui omnia vivunt, venite adoremus.

Psal-

Psalmus. 94.

Venite, exultemus Domino, jubilemus Deo salutari nostro :
* præoccupemus faciem ejus in confessione, & in psalmis jubilemus ei.

Regem cui omnia vivunt,
Venite adoremus.

Quoniam Deus magnus Dominus,
& Rex magnus super omnes fines terræ, & altitudines montium ipse conspicit.

Venite adoremus.

Quoniam ipse est mare, & ipse fecit illud, & aridam fundaverunt manus ejus : venite Adoremus, & procidamus ante Deum : ploremus

Argumentum Psalmi 94.

Invitatio humani generis ad Deum collaudandum, adorandum, implorandum, ut propitius sit nobis quoque peccatoribus non obduratis.

Paraphrasis.

Venite, animo exultemus coram Domino: ore gaudentes acclamemus Deo, rupi salutis nostræ. Præveniamus eum laude & gratiarum actione, antequam faciem indignitatione induat, & cantantes applaudamus illi; ideo scilicet;

Quia magnus hic Deus est, Rex regum, Dominus dominantium; qui, cum tam bonus sit simul, utique populum suum electum ad se confugientem non abijciet manu sua, in qua sunt omnes partes terræ, quas ipse creavit. Etenim ipsius sunt omnes moles motuum.

Ipsius est mare; nam & ipsum creavit: ipsius est terra arida, nam & hanc manu sua formavit. Sed cum his omnibus majores nos fecerit, princeps opus manuum suarum; eja venite iterum, ad-

mus coram Domino, qui fecit nos,
quia ipse est Dominus Deus noster:
nos autem populus ejus, & oves
pascuæ ejus.

Regem cui omnia vivunt,
Venite adoremus.

Hodie si vocem ejus audieritis,
nolite obdurare corda vestra, sicut
in exacerbatione secundum diem ten-
tationis in deserto: ubi tentaverunt
me patres vestri, probaverunt, &
viderunt opera mea.

Venite adoremus.

Quadraginta annis proximus fui ge-
nerationi huic, & dixi semper, hi
errant corde: ipsi vero non cogno-
verunt vias meas, quibus juravi in
ira mea, si introibunt in requiem
meam.

Regem cui omnia vivunt,
Venite adoremus.

Requiem æternam dona eis Do-
mine, & lux perpetua luceat eis.

Ve-

adoremus, & procidamus, & flexis genibus imploremus misericordiam ejus, qui fecit nos Deus, conservat Dominus, custodit pastor bonus: nos enim sumus populus pascuorum ejus, & grex ad manum ejus obsequens.

Quam ob rem si hodie rursus audieritis vocem Domini internam vocantis ad poenitentiam, nolite indurare corda vestra, sicut factum est a Patribus in loco contradictionis in solitudine eo die, quo me ibi, inquit Dominus: taverunt Patres vestri, & potentiae meae periculum facientes, viderunt opera mea admirabilia. Tamen

Quadraginta annis opposuit se mihi progenies illa, cui ad ulciscendum semper proximus institi. Tandem dixi: cor populi hujus caecum semper aberat, & ipsi vias providentiae meae non cognoverunt. Propterea iratus juravi, non passurum me introire illos in terram quietis, & promissionis meae.

ŷ. Venite adoremus.

R. Regem cui omnia vivunt.

ŷ. Venite adoremus.

IN I. NOCTURNO.

Pro Feria secunda & quinta.

Antiph. Dirige Domine Deus
meus in conspectu tuo viam meam.

Psalms 5.

Verba mea auribus percipe Dō-
mine : * Intellige clamorem
meum.

Intende voci orationis meæ : *
Rex meus, & Deus meus.

Quoniam ad te orabo : * Domine
mane exaudies vocem meam.

Mane adstabo tibi & videbo : *
Quoniam non Deus volens iniqui-
tatem tu es.

Neque habitabit juxta te malignus :
* Neque permanebunt iniusti ante
oculos tuos.

Odi-

Argumentum Psalmi.

Oratio Davidis in persona animæ afflictæ, contra hostes visibiles & invisibiles hujus vitæ, maxime Dæmones: S. Chryl. Augustinus, Theodoretus.

Metaphrasis.

Preces meas, Domine, benignis auribus admitte, & clamor meus ad te veniat.

Attende ad vocem precationis meæ, Rex meus, & Deus meus.

Quoniam tibi soli supplico, mane & celeriter audies vocem meam, Domine.

Mane ritu supplicantis cum libello memoriali conversus ad te meditabor, quod non delectaris, si hostes me inique opprimant.

Neque concessum est malignis, tecum habitare, aut injustis stare in conspectu tuo.

Odisti omnes, qui operantur iniquitatem: * Perdes omnes, qui loquuntur mendacium.

Virum sanguinum & dolosum abominabitur Dominus: * Ego autem in multitudine misericordiæ tuæ.

Introibo in domum tuam: * Adorabo ad templum sanctum tuum in timore tuo.

Domine deduc me in iustitia tua: * Propter inimicos meos dirige in conspectu tuo vitam meam:

Quoniam non est in ore eorum veritas: * Cor eorum vanum est.

Sepulcrum patens est guttur eorum, linguis suis dolose agebant: * judica illos Deus,

Decidant a cogitationibus suis, secundum multitudinem impietatum eorum expelle eos: * Quoniam irritaverunt te Domine.

Et lætentur omnes qui sperant in te: * In æternum exultabunt, & habitabis in eis.

Et

Sed iniqua agentes omnes odisti,
dolosos destruis, qui fraudes quales-
cunque moliuntur;

Et qui sanguinem humanum profun-
dunt, execraris Domine. Ego autem
immensa tua tretus misericordia

Templum tuum intrabo, & in æde
sancta tua, in timore tuo, te adorabo.

Domine! doce, & fac me juste vi-
vere, & ita actiones meas dirige, ut
inimici nil culpabile in me reperiant.

Timeo eos, quia os illorum menda-
ciis, cor plenum malitia est;

Os instar aperti sepulcri pestilentem
factorem mendaciorum, detractionum,
Sycophantiarum exhalat: quare surge
in iudicium contra eos.

Fac evanescere ipsorum consilia con-
tra me, & perde eos pro multitudine
peccatorum, quibus iram tuam stimu-
laverunt Domine.

E contrario gaudeant omnes, qui
confidunt in te: inter æterna júbila ex-
ultabunt, tu vero eos ut domicilium
tuum proteges;

Et gloriabuntur in te omnes, qui diligunt nomen tuum: * Quoniam tu benedices iusto.

Domine ut scuto bonæ voluntatis tuæ: * Coronasti nos.

Requiem æternam.

Antiph. Dirige Domine Deus meus, in conspectu tuo viam meam.

Antiph. Convertere Domine & eripe animam meam, quoniam non est in morte, qui memor sit tui.

Psalms 6.

Domine, ne in furore tuo arguas me: * Neque in ira tua corripas me.

Miserere mei Domine, quoniam infirmus sum: * Sana me Domine, quoniam conturbata sunt ossa mea.

Et anima mea turbata est valde: * Sed tu Domine usquequo.

Con-

Quotquot in vivis nomen tuum diligunt, omni benedictione cælesti repleti, gloriam post mortem in te habebunt, quia tu

Domine favore tuo, & ope Divina, quasi scuto tutissimo nos contra hostium tela protegis, & coronas.

Argumentum Psalmi.

Oratio Davidis ægri ex morbo, ob adulterium cum Bethsabæe inflicto. Exauditur & sanatur, ut Deum laudare diutius possit. S. *Chrys. Mystice*: Domine! animarum debiliū velox Medice, fane me. S. *Gregor. M. in hunc.*

Metaphrasis.

Domine! ne in furore tuo arguas me (de adulterio) neque in ira tua castiges me.

Miserere mei, Domine! quia infirmor corpore; sana me, quia totis artibus contremisco.

Sed & anima mea vehementer perturbata est: Verum o Domine! quousque opem ferre moraris?

Con-

Convertere Domine , & eripe animam meam : * Salvum me fac propter misericordiam tuam.

Quoniam non est in morte qui memor sit tui : * In inferno autem quis confitebitur tibi ?

Laboravi in gemitu meo , lavabo per singulas noctes lectum meum : * Lacrymis meis stratum meum rigabo.

Turbatus est a furore oculus meus : * Inveteravi inter omnes inimicos meos.

Discedite a me omnes , qui operamini iniquitatem : * Quoniam exaudivit Dominus vocem fletus mei.

Exaudivit Dominus deprecationem meam : * Dominus orationem meam suscepit.

Erubescant & conturbentur vehementer omnes inimici mei : * Convertantur , & erubescant valde velociter.

Re-

Converte te Domine ! animarum debiliū velox Medice , ad animam meam , & ægritudini ereptam confana ; sed & corpus saluum fac ex mera misericordia tua.

Nam cadaver mortui in animis vivorum memoriam tui non excitat ; vel quis in sepulcro te laudabit ?

Gemendo lassatus sum ; a fletu meo singulis noctibus lectus meus (adulteratus) natat ; lacrymis meis stratum meum rigatur.

His , & morbi doloribus a furore tuo immisiss oculi mei erosi sunt ; præ quibus ante tempus consumptus in facie inimicorum consenui hætenus.

Sed modo jam discedite a me omnes vos , qui inique agitis , quia tandem Dominus exaudivit fletum meum clamorū.

Exaudivit Dominus preces meas ; preces meas Dominus acceptavit.

Propterea erubescant , & perturbentur vehementer omnes inimici mei : revertantur , & subito erubescant.

Re-

Requiem æternam.

Antiph. Convertere Domine, & eripe animam meam: quoniam non est in morte, qui memor sit tui.

Antiph. Ne quando rapiat ut leo animam meam, dum non est, qui redimat, neque qui salvum faciat.

Psalms 7.

Domine Deus meus in te speravi: * Salvum me fac ex omnibus persequentibus me, & libera me.

Ne quando rapiat ut leo animam meam: * Dum non est qui redimat, neque qui salvum faciat.

Domine Deus meus, si feci istud: * Si est iniquitas in manibus meis.

Si reddidi retribuētibus mihi mala: * Decidam merito ab inimicis meis inanis.

Per.

Argumentum Psalmi.

Oratio Davidis contra Saulem persecutorem, a quo immerito perduellionis arguitur, cujus interitum a versuto &c. prædicit. *Tropologice*: oratio justi cujusvis contra persecutores, qui qualescunque insidias in via salutis strunt. *Jac. Tirinus.*

Metaphrasis.

Domine Deus meus, in te speravi, ferva me ab omnibus persequentibus me, & libera me.

Ne quando rapiat (Saul) ut leo vitam meam, & dilaceret me! quin ullus sit, qui me eripiat.

Domine Deus meus! si feci id, cujus infimulor, si perduellionis peccato inquinavi manum meam:

Si pacate, & amice mecum viventi malum pro bono reddidi; discedam merito vacuus, & frustratus omni spe mea, meaque ruina lætitiā inimicis præbeam;

In-

Persequatur inimicus animam meam, & comprehendat, & conculcet in terra vitam meam: * Et gloriam meam in pulverem deducat.

Exurge Domine in ira tua: * Et exaltare in finibus inimicorum meorum.

Et exurge Domine Deus meus in præcepto, quod mandasti: * Et synagoga populorum circumdabit te.

Et propter hanc in altum regredere: * Dominus judicat populos.

Judica me Domine secundum justitiam meam: * Et secundum innocentiam meam super me.

Consumetur nequitia peccatorum, & diriges justum: * Scrutans corda & renes Deus.

Justum adjutorium meum a Domino: * Qui salvos facit rectos corde.

Deus

Infectetur inimicus animam meam ,
& comprehendat , & conculcet in ter-
ra vitam meam , & gloriam meam in
pulverem deprimat.

Sin minus ; exurge Domine in ira
tua , & præpotentem te in hostium meo-
rum terminis ostende ;

Et exurge ad adjuuandum me vi de-
creti , quo mihi regnum (Saulis) de-
mandasti. Propter hanc fidem in te per-
spectam , cætus populorum te adora-
bit , & circumdabit tabernaculum tuum.

Et propter hunc cætum populorum
o Deus , tribunal tuum conscende , me
ulturus. Cum enim sis Dominus , &
iudex populorum ,

Iudica me Domine , secundum justi-
tiam meam , & secundum innocentiam ,
quæ in me est.

Ita sane , scelestos malitia sua in ni-
hilum rediget , justus vero confirmabi-
tur ; scrutatur enim corda & renes Deus
justus.

Clypeus meus in Deo est , qui ser-
vat rectos corde.

Deus

Deus iudex iustus, fortis, & patiens: * Nunquid irascitur per singulos dies.

Nisi conversi fueritis, gladium suum vibrabit: * Arcum suum tendit, & paravit illum.

Et in eo paravit vasa mortis: * Sagittas suas ardentibus effecit.

Ecce parturit injustitiam: * Concepit dolorem, & peperit iniquitatem.

Lacum aperuit, & effodit eum: * Et incidit in foveam, quam fecit.

Convertetur dolor ejus in caput ejus: * Et in verticem ipsius iniquitas ejus descendet.

Confitebor Domino secundum justitiam ejus: * Et psallam nomini Domini altissimi.

Requiem æternam.

Antiph. Ne quando rapiat ut leo animam meam, dum non est qui redimat, neque qui salvum faciat.

An-

Deus iudex justus, & fortis: nonne, etsi patitur crimina & dissimulat, iisdem tamen irascitur, & minatur quotidie?

In eum, qui conversus non fuerit ad meliora, gladium suum acuet & vibrabit; jam jamque tetendit, & paravit arcum suum;

Cui imposuit tela mortifera, sagittas suas ex illo destinavit iis, qui ardent ira, odio, cupiditate mihi nocendi.

Ecce parturit injustitiam homo improbus (Saul): concepit molestiam, & peperit bonum mendax.

Scrobem aperuit, & effodit: sed incidit in foveam, quam fecit mihi.

Convertetur dolor, quem alteri intenderat, in caput ejus, & in ipsius verticem iniquæ ejus machinæ relabentur.

Quare laudabo Dominum pro justitia ejus: & laudes cantabo nomini Domini altissimi.

ψ. A porta inferi.

℞. Erue Domine animas eorum.
Pater noster. *Totum Secreto.*

Lect. I. Job. 7.

V. 16. **P**arce mihi Domine: nihil enim sunt dies mei. 17. Quid est homo, quia magnificas eum? Aut quid apponis erga eum cor tuum? 18. Visitas eum diluculo, & subito probas illum. 19. Usquequo non parcis mihi, nec dimittis me, ut glutiam salivam meam? 20. Peccavi, quid faciam tibi, o custos hominum? Quare posuisti me contrarium tibi, & factus sum mihi metipsum gravis? 21. Cur non tollis peccatum meum, & quare non auferis iniquitatem meam? Ecce nunc in pulvere dormiam: & si mane me quaesieris, non subsistam.

℞.

Lect. I.

Meditatio peccati, tanquam causæ partialis miseriarum.

V. 16. Deus! define me tam diris cruciatibus torquere; quibus fane opus non est, reliquos vitæ dies per se vanissimos, utpote tam paucos, quam breves accidere. 17. Quid est homulus, ut tanto miseriarum apparatu veluti magnum aliquem oppugnes? tanta eum attentione cur dignum judicas? 18. Quid hoc est, quod initio eum in consolatione visitas; & hac abrupta subito eum afflictione tentas? 19. Quousque miseriarum non defines, nec respi- randi spatium concedes in tanta faucium ariditate, ut Salivam meam deglutiam? 20. Peccavi; id quod amici mihi obiiciunt, & ego sentio. Verum o hominum observator! quid faciam ad placandum te? Hæccine causa est, quare me sagittis tuis metam opponas, qui-
bus

R. Credo, quod redemptor meus
vivit: & in novissimo die de terra
surrecturus sum: * Et in carne mea
videbo Deum Salvatorem meum.

ψ. Quem visurus sum ego ipse,
& non alius, & oculi mei conspe-
cturi sunt.

R. Et in carne mea videbo Deum
Salvatorem meum.

Leet. II. Job. 10.

V. i. **T**ædet animam meam vitæ
meæ: dimittam adversum
me eloquium meum; loquar in ama-
ritudine animæ meæ, 2. dicam Deo:
noli me condemnare. Indica mihi,
cur me ita iudices? 3. Nunquid bo-
num tibi videtur, si calumnieris me,
& opprimas me opus manuum tua-
rum, & consilium impiorum adju-
ves?

bus adeo condensatus sum, ut jam me ipsum ferendo sim impar? 21. Quin potius ex miseratione non tollis peccatum meum, & aufers iniquitatem meam? Aut miserere, aut hodie in sepulcri pulvere dormiam; & si quis cras me quaesierit, non ero superstes.

Leet. II.

*Meditatio misericordiae, & æquitatis
divinae, causam nostram non hominum
judicio judicantis.*

1. Tædet me amplius vivere. Omitto enim occultarum, quas in me verebar querulus, culparum memoriam, & de solis doloribus loquar, quorum amaritudine crucior. 2. Grande levamen erit, si dicam Deo: noli me ceu impium condemnare: indica mihi, cur me tam fervere in jus adducas, & punias? 3. Nunquid humanorum judicium more, probare poteris, si calumniis innocenter oppressum etiam tu me reijcias,

D

ves? 4. Nunquid oculi carnei tibi sunt, aut sicut videt homo, & tu videbis? 5. Nunquid sicut dies hominis, dies tui; & anni tui sicut humana sunt tempora, 6. Ut quæras iniquitatem meam, & peccatum meum scruteris? 6. Et scias, quia nihil impium fecerim, cum sit nemo, qui de manu tua possit eruere.

R. Qui Lazarum resuscitasti a monumento foetidum: * Tu eis Domine dona requiem, & locum indulgentiæ.

ψ. Qui venturus es judicare vivos & mortuos, & sæculum per ignem.

R. Tu eis Domine dona requiem, & locum indulgentiæ.

Lectio

cias, me inquam opus manuum tuarum, & consilio impiorum tua quoque lux affulgeat? 4. Nunquid oculi tui ex carne sunt, ut specie externa decipi possis, quemadmodum solent homines in judicio? 5. Nunquid ad cognoscendam veram rei causam dies & anni successive tibi debent fluere, sicut hominibus, 6. Ut tanto tempore opus sit ad iniquitatem meam inquirendam, & perscrutandum peccatum meum? 7. Atqui tu uno simplicissimo intuitu perspicias, nihil a me impie actum esse; & siquid deliquissem, nemo manui tuæ me posset eripere.

Leet. III. Job. 10.

V. 8. **M**anus tuæ fecerunt me ,
& plasmaverunt me to-
tum in circuitu ; & sic repente præ-
cipitas me ? 9. Memento , quæso ,
quod sicut lutum feceris me , & in
pulverem reduces me. 10. Nonne
sicut lac mulsisti me , & sicut caseum
me coagulasti ? 11. Pelle & carni-
bus vestisti me , ossibus & nervis
compegisti me. 12. Vitam & mise-
ricordiam tribuisti mihi , & visitatio
tua custodivit spiritum meum.

R. Domine , quando veneris ju-
dicare terram , ubi me abscondam
a vultu iræ tuæ ? Quia peccavi ni-
mis in vita mea.

ψ. Commissa mea pavefco , &
ante te erubefco : dum veneris ju-
dicare , noli me condemnare.

ψ.

Lectio III.

Meditatio Providentiæ divinæ, quæ uti hominem pro se creavit, ita etiam conservabit.

V. 8. Manus tuæ perfecērunt me, & quasi vas fictile totum me circum undique perpolierunt: & nunc derepente e manibus tuis præcipitem dabis? 9. Memento quæso, quam fragilem me ex luto feceris, ut a te pessumdatus necessario in antiquum pulverem meum revertar. 10. Nonne in utero materno corpus meum sic efformasti, uti ex lacte primum emulso, dein coagulato per calorem, caseus exprimitur? 11. Et corpus quidem carnibus & cute vestisti; ossibus autem & nervis compagem hanc consolidasti. 12. Sed animam misericorditer tribuisti mihi, quam suavis tua providentia visitat atque custodit in tempore, quo carnifici dæmoni corpus ad vexandum tradidisti.

R. Quia peccavi nimis in vita mea.

ψ. Requiem æternam dona eis Domine, & lux perpetua luceat eis.

R. Quia peccavi nimis in vita mea.

IN II. NOCTURNO.

Pro Feria tertia & quinta.

Antiph. In loco pascuæ ibi me collocavit.

Psalms 22.

Dominus regit me, & nihil mihi deerit: * In loco pascuæ ibi me collocavit.

Super aquam refectionis educavit me: * Animam meam convertit.

Deduxit me super semitas justitiæ: * Propter nomen suum.

Nam

Argumentum Psalmi.

Ecloga, seu carmen pastoritium Davidis, in quo sibi gratulatur opima pascua tanquam oviculæ innocenti duce pastore Domino. Anterioribus tribus versiculis hæc *Similitudo*, duobus postremis *Similatum* exprimitur. *Allegorice* in Ecclesia, pro pascuis Eucharistiæ Sacrementum, pro pastore Christum accipias. *Tirin.*

Metaphrasis.

Dominus tanquam pastor meus regit me: nihil me deficiet: In loco virente pascuorum collocavit me.

Juxta lenia aquarum fluentia in quiete educavit me: Boni pastoris vox animam meam ad se convertit.

Et propter istam nominis sui gloriam deduxit me per semitas Justitiæ.

(Nam

Nam & si ambulavero in medio
umbræ mortis, non timebo mala :
* Quoniam tu mecum es.

Virga tua, & bacculus tuus : * Ip-
sa me consolata sunt.

Parasti in conspectu meo mensam :
* Adversus eos, qui tribulant me.

Impinguasti in oleo caput meum :
* Et calix meus inebrians quam præ-
clarus est !

Et misericordia tua subsequetur
me : * Omnibus diebus vitæ meæ.

Et ut inhabitem in domo Domi-
ni : * in longitudinem dierum.

Requiem æternam.

Antiph. In loco pascuæ ibi me
collocavit.

Antiph. Delicta juventutis meæ,
& ignorantias meas ne memineris
Domine.

Psal-

Nam etsi ambulavero in umbrosa mortis valle (ut in valle Terebinthi contra Goliath) non timebo mala , quoniam mecum es.

Virga tua (qua oves regis) & baculus (quolupum abigis) ipsa me consolata sunt.

Similiter in hostili persecutione (Saulis) mensam mihi pane sanctificato parasti.

Caput meum perfudisti duplici oleo, convivali & regali. Calix etiam meus, olim vario variae fortis meae vino inebrians, quam praeclarus est hodie ad sitim, & malorum memoriam diluendam !

Jam enim nihil, nisi benigna misericordia tua omnibus diebus vitae meae mihi propinabitur.

Et reversus ab exilio habitabo in domo Domini in perpetuum. (Post mortem in caelo.)

Argumentum Psalm. 24.

Ascendere ad Deum cupiens, peccata, impedimenta viae, detestatur.

Weitenau.

Me-

Psalms. 24.

Ad te Domine levavi animam
meam: * Deus meus in te con-
fido, non erubescam.

Neque irrideant me inimici mei:
* Etenim universi, qui sustinent te,
non confundentur.

Confundantur omnes iniqua agen-
tes: * Supervacue.

Vias tuas Domine demonstra mi-
hi: * Et semitas tuas edoce me.

Dirige me in veritate tua, & do-
ce me: * Quia tu es Deus Salva-
tor meus, & te sustinui tota die.

Reminiscere miserationum tuarum,
Domine: * Et misericordiarum tua-
rum, quæ a sæculo sunt.

Delicta juventutis meæ: * Et
ignorantias meas ne memineris.

Secundum misericordiam tuam
memento mei tu: * Propter boni-
tatem tuam Domine.

Dul-

Metaphrasis.

At te Domine, animam meam extollam. Deus meus, de te confido: & confidisse non erubescam.

Neque insultent mihi inimici mei: etenim universi, qui opem tuam expectant, non solent erubescere.

Si erubescant potius, qui frustra inique agunt, & temere.

Tuos agendi modos, Domine, demonstra mihi, & modorum istorum adminicula edoce me.

Dirige me ad normam veræ legis tuæ atque doctrinæ: quia tu es Salus mea, & te expectavi tota die.

Recordare miserationum tuarum Domine, & misericordiarum, quas a mundi principio Patribus nostris exhibuisti.

Hinc delicta juventutis meæ, quin errores etiam meos noli meminisse.

Sed tuæ misericordiæ etiam memento pro me, quia bonus es Domine!

Quam

Dulcis & rectus Dominus : * Propter hoc legem dabit delinquentibus in via.

Diriget mansuetos in iudicio : * Docebit mites vias suas.

Universæ viæ Domini misericordia & veritas : * Requirentibus testamentum ejus , & testimonia ejus.

Propter nomen tuum Domine propitiaberis peccato meo : * Multum est enim.

Quis est homo , qui timet Dominum ? * Legem statuit ei in via , quam elegit.

Anima ejus in bonis demorabitur : * Et semen ejus hæreditabit terram.

Firmamentum est Dominus timentibus eum : * Et testamentum ipsius , ut manifestetur illis.

Oculi mei semper ad Dominum : * Quoniam ipse evellet de laqueo pedes meos.

Re-

Quam dulcis & rectus est Dominus!
Propterea de vivendi ratione recta de-
flectentes lege dulci docebit.

Diriget mansuetos secundum regulas
prudentiæ, & mites docebit suas agen-
di rationes.

Hæc est autem universalis agendi
ratio cum homine, qua Dominus uti-
tur, nempe misericordia & fidelitas;
sed cum illo homine, qui pactum ejus
requirit, & legis testimonium.

Ideo propter nomen tuum, quod
misericordis est, Domine, propitiabe-
ris peccato meo tanto fidelius, quan-
to est numerosius.

Dare mihi hominem, qui timet Do-
minum: & primum timoris fructum
hunc feret, ut in quovis statu, quem
elegit, ex lege vivat.

Fructus alter erit, ut bonis terræ
perfruatur, quæ soboles ejus hæredi-
tabit.

Fructus tertius timoris Domini est
robur secretum; & inde manifesta legis
divinæ executio.

Oculi mei semper sursum ad Domi-
num; nam ipse evellet pedes meos de
laqueo, qui deorsum mihi paratur pro
insidiis.

Re-

Respice in me , & miserere mei:
* Quia unicus & pauper sum ego.

Tribulationes cordis mei multiplicatæ sunt : * De necessitatibus meis erue me.

Vide humilitatem meam & laborem meum : * Et dimitte universa delicta mea.

Respice inimicos meos, quoniam multiplicati sunt : * Et odio iniquo oderunt me.

Custodi animam meam & erue me:
* Non erubescam, quoniam speravi in te.

Innocentes , & recti adhæserunt mihi : * Quia sustinui te.

Libera Deus Israel : * Ex omnibus tribulationibus suis.

Requiem æternam.

Antiph.

Respice me, & miserere mei, quia
solus, & pauper amicorum sum ego.

Ærumnæ cordis mei multiplicatæ
sunt: his de angustiis meis erue me.

Aspice humilitatem meam, & dolo-
rem meum: & pro eo tolle universa
peccata mea.

Sed etiam respice inimicos meos, tam
ob multitudinem, quam odii iniqui-
tatem formidabiles.

Ab his custodi animam meam, &
erue me: non dabor rubori, quoniam
in te spem meam collocavi.

Innocentes & recti adhæserunt mihi,
& illorum ac mea integritas probitas-
que custodiet me: quia te Domine ex-
spectavi.

Ob hanc causam libera Deus Israelem
ex omnibus angustiis suis.

Antiph. Delicta juventutis meæ,
& ignorantias meas ne memineris
Domine.

Antiph. Credo videre bona Do-
mini in terra viventium.

Psalms 26.

Dominus illuminatio mea, & sa-
lus mea : * Quem timebo ?

Dominus protector vitæ meæ :
* A quo trepidabo ?

Dum appropiant super me nocen-
tes : * Ut edant carnes meas.

Qui tribulant me inimici mei :
* Ipsi infirmati sunt, & ceciderunt.

Si consistant adversum me castra :
* Non timebit cor meum.

Si exurgat adversum me prælium :
* In hoc ego sperabo.

Unam

Argumentum Psalmi,

Quem David exul cantabat, priusquam in regem solenniter ungeretur. Plenus est fiducia in Deum, quem expectemus summis in periculis, quoadusque veniat reddere, quæ dignatus est polliceri & in hac, & in altera vita.
S. Hieron. in hunc.

Metaphrasis.

Dominus lux mea, & salus mea:
quem timebo?

Dominus est defensor vitæ meæ:
a quo trepidabo.

Appropinquabant contra me conjunctionis noxii, ut me discerperent & devorarent.

Sed debilitati sunt & corruerunt hostes mei tam publici, quam inimici privati.

Si steterint adversus me castra hostium, non timebit cor meum.

Et si ad pugnam, belli aleam, lacessar, de hoc ego confidam.

Unam petii a Domino, hanc requiram: * Ut inhabitem in domo Domini omnibus diebus vitæ meæ.

Ut videam voluptatem Domini: * Et visitem templum ejus.

Quoniam abscondit me in tabernaculo suo: * In die malorum protexit me in abscondito tabernaculi sui.

In petra exaltavit me: * Et nunc exaltavit caput meum super inimicos meos.

Circuivi, & immolavi in tabernaculo ejus hostiam vociferationis: * Cantabo & psalmum dicam Domino.

Exaudi Domine vocem meam, qua clamavi ad te: * Miserere mei, & exaudi me.

Tibi dixit cor meum, exquisivit te facies mea: * Faciem tuam Domine requiram.

Ne

Unam petitionem petii a Domino, atque hanc etiam urgebo, ut post hoc exilium inhabitem in domo Domini omnibus diebus vitæ meæ.

Ut percipiam amœnitatem, pulcritudinem, dulcedinem præsentiae divinæ, & visitem templum ejus.

Ibi enim abscondit me die mea mala in tabernaculo suo, ceu umbraculo providentiæ: ibi protexit me in penetralibus tabernaculi sui.

Tunc veluti in petram inaccessam sublatus tutus eram; nunc etiam exaltatum est caput meum super inimicos meos.

Propterea sicut olim circuivi, & immolavi in tentorio sancto hostiam jubili cum musica solenni: ita pleno choro cantabo, & psalmum dicam Domino.

Exaudi Domine meam ad te claman-
tis vocem, miserere mei, & exaudi me.

Te solum alloquitur cor meum; & sicut oculi mei semper te requieverunt: ita faciem tuam Domine deinceps requirant.

Ne avertas faciem tuam a me :
* Ne declines in ira a fervo tuo.

Adjutor meus esto : * Ne derelinquas me, neque despicias me Deus salutaris meus.

Quoniam pater meus & mater mea dereliquerunt me : * Dominus autem assumpsit me.

Legem pone mihi Domine in via tua : * Et dirige me in semitam rectam, propter inimicos meos.

Ne tradideris me in animas tribulantium me : * Quoniam insurrexerunt in me testes iniqui, & mentita est iniquitas sibi.

Credo videre bona Domini : *
In terra viventium.

Expecta Dominum, viriliter age :
* Et confortetur cor tuum, & sustine Dominum.

Requiem æternam.

Antiph.

Noli unquam faciem tuam mihi abscondere : noli declinare iratus a servo tuo.

Tu o auxilium meum ! ne derelinquas me , neque abiicias me contemptum , Deus salutis meæ !

Nam etsi a Patre & Matre derelictus sim , Dominus tamen assumit me.

Doce me Domine non modo viam legis tuæ regiam , sed vias etiam vicinales dirige , ut omne calumniandi filium inimicis præcidatur.

Ne me trade cupiditati hostium meorum : quoniam insurrexerunt in me testes iniqui , quorum tamen mendacia auctorum suorum spem fefellerunt , neque damnum mihi , sed dedecus sibi attulerunt , non adeo in me mentiti , quam caput suum.

Interim spero in hac vita diutius me fruiturum esse bonitate Domini. (Amplius in futura.)

Expecta Dominum , & esto Vir : magnos tibi sume animos , & expecta Dominum.

Antiph. Credo videre bona Domini in terra viventium.

ψ. Collocet eum Dominus cum principibus.

&. Cum principibus populi sui.

Pater noster. *Totum Secreto.*

Leet. IV. Job. 13.

V. 23. **R**esponde mihi: quantas habeo iniquitates & peccata, scelera mea & delicta ostende mihi. 24. Cur faciem tuam abscondis, & arbitraris me inimicum tuum? 25. Contra folium, quod vento rapitur, ostendis potentiam tuam, & stipulam siccam persequeris. 26. Scribis enim contra me amaritudines, & consumere me vis peccatis adolescentiæ meæ. 27. Posuisti in nervo pedem meum, & observasti omnes semitas

Lect. IV.

Meditatio peccati quoad effectus suos temporarios, ad quod cognoscendum, Job implorat illustrationem intellectus, ut glorificetur nomen Domini.

V. 23. Post tantam precandi instantiam dic mihi Domine! quæ quantæque sunt iniquitates meæ, & peccata mea? prævaricationem meam, & peccatum meum, sine, ut intelligam. 24. Cur vultus tui claritatem ad hoc cognoscendum mihi negas, quasi aliquis ex hostium potentiorum numero essem? 25. Atqui nihil sum, nisi folium, cujusvis venti ludibrium, nihil nisi stipula sicca, ad quam persequendam parce potentiae tuæ. 26. Scribis enim contra me amarissimam sententiam, & ad incitas redigere me vis ob adolescentiæ meæ pec-

mitas meas, & vestigia pedum meorum considerasti. 28. Qui quasi putredo consumendus sum, & quasi vestimentum, quod comeditur a tineas.

R. Memento mei Deus, quia ventus est vita mea; Nec aspiciat me visus hominis.

ψ. De profundis clamavi ad te Domine: Domine exaudi vocem meam.

R. Nec aspiciat me visus hominis

Leet. V. Job. 14.

V. 1. **H**omo natus de muliere, brevi vivens tempore repletur multis miseriis. 2. Qui quasi flos egreditur, & conteritur, & fugit velut umbra; & nunquam in eodem statu permanet. 3. Et dignum

peccata. 27. Pedes meos inclusisti cippo, quo me custodis, ne possim evadere: spectasque libenter pedum meorum plantas, quibus, morbi dolore ardentibus, ad nominis tui gloriam te ipsum inscripsisti, uti artifex operi suo nomen infra adscribit. 28. Atque ita corpus quidem meum quasi vestimentum, quod comeditur a tineâ (Anima tamen constanter incolumi, in quam diabolus potestatem non accepit), quo magis glorificeris.

Lectio V.

Meditatio humanæ fragilitatis, & juxta dignationis Dei, qui infra se esse non reputat, si hominem nihili, quasi magnum aliquem, ad salutem ejus exagitet.

V. 1. Homo natus de muliere, brevi vivens tempore, mileriis ab irato Deo immixtis saturatur; 2. quasi flos exoritur, abscinditur, pede conteritur; & fugit velut umbra, nec unquam in eodem statu permanet. 3. Et talem ac tantillum dignaris oculis tuis respicere, adeo

num ducis super hujusmodi aperire oculos tuos, & adducere eum tecum in iudicium? 4. Quis potest facere mundum de immundo conceptum semine? Nonne tu, qui solus es. 5. Breves dies hominis sunt, numerus mensium ejus apud te est: constituisti terminos ejus, qui præteriri non poterunt. 6. Recede paululum ab eo, ut quiescat, donec optata veniat, sicut mercenarii dies ejus.

R. Heu mihi Domine, quia peccavi nimis in vita mea: quid faciam miser? ubi fugiam, nisi ad te, Deus meus? Miserere mei, dum veneris in novissimo die.

Ÿ. Anima mea turbata est valde, sed tu Domine succurre ei.

R. Miserere mei, dum veneris in novissimo die.

Lectio

adeo quidem , ut mecum etiam contendas iudicio , in quo me purgem. 4. Verum quis me facere mundum poterit , ex tam immunda scilicet peccatorum stirpe oriundum ? Nemo sane , nisi tu solus , qui ipsa puritas es. 5. Circumscripti sunt dies hominis , numerus mensium ejus in manu tua est : constituisti terminos ejus , ultra quos excedere non poterit. 6. Interea sine ipsum paululum requiescere , donec tam optata ipsi veniat dies mortis , quam Vespera finis operum operario.

Leſt. VI. Job. 14.

V. 13. **Q**uis mihi hoc tribuat, ut
in inferno protegas me,
donec pertranſeat furor tuus, & con-
ſtituas mihi tempus, in quo recor-
deris mei? 14. Putasne mortuus ho-
mo rurfum vivat? cunctis diebus,
quibus nunc milito, expeſto, do-
nec veniat immutatio mea. 15. Vo-
cabis me, & ego respondebo tibi:
operi manuum tuarum porriges dex-
teram. 16. Tu quidem grefſus meos
dinumerasti: ſed parce peccatis meis.

R. Ne recorderis peccata mea
Domine: Dum veneris judicare ſæ-
culum per ignem.

ŷ. Dirige Domine Deus meus,
in conſpectu tuo viam meam.

R. Dum veneris judicare ſæcu-
lum per ignem.

ŷ.

Lectio VI.

*Meditatio mortis & resurrectionis, a
qua non abluat divi Pauli desiderium:
Cupio dissolvi &c.*

V. 13. Quis dabit mihi, Domine, ut
vel in sepulcro tantisper absconditas la-
team, donec furor tuus præteriit? vel
saltem tempus aliquod mihi constitue,
quo mei miserearis. 14. Quid vero mor-
tem opto ad tempus? Poteritne homo
semel mortuus rursus vivere? Profecto
per te poterit. Tanto magis ego prop-
ter morbi gravitatem mortuis nunc qui-
dem similior, quam vivis, a te, qui
mortuis etiam reddere vitam potes,
expecto, statum hunc meum immutan-
dum esse. 15. Saltem me vocabis in die
resurrectionis, & ego respondebo tibi:
adsum opus manus dexteræ tuæ, quod
salvum cupies. 16. Sed usque ad hunc
diem gressus meos omnes dinumeras,
heu quantos gressus in peccatis! Ah
parce peccatis meis!

ŷ. Requiem æternam dona eis
Domine, & lux perpetua luceat eis.

℞. Dum veneris judicare sæcu-
lum per ignem.

IN III. NOCTURNO.

Pro Feria quarta & Sabbato.

Antiph. Complaceat tibi Domi-
ne, ut eripias me: Domine ad ad-
juvandum me respice.

Psalms 39.

Expectans expectavi Dominum:
* Et intendit mihi.

Et exaudivit preces meas: * Et
eduxit me de lacu miseriæ, & de
luto fæcis.

Et statuit super petram pedes me-
os: * Et direxit gressus meos.

Et

Argumentum Psalmi.

Oratio Davidis, & actio gratiarum pro liberatione malorum. Similiter oravit Christus servator, cruciatuum & mortis victor, gratias agens pro redemptione generis humani. *Thom. Aq. Erhard.*

Metaphrasis.

Summo desiderio expectavi Dominum, & aures suas ad me inclinavit.

Et exaudivit preces meas: & eduxit me de calamitosa cisterna confusionis, quæ plena fuit fæce lutosa;

Inde me in tuto collocavit, quasi supra petram hostibus inaccessam, & deinceps gressus meos ipse Dux viæ direxit.

His

Et immisit in os meum canticum
novum: * Carmen Deo nostro.

Videbunt multi & timebunt: *
Et sperabunt in Domino.

Beatus vir, cuius est nomen Do-
mini spes ejus: * Et non respexit
in vanitates, & infanias falsas.

Multa fecisti tu Domine Deus
meus mirabilia tua: * Et cogitatio-
nibus tuis non est, qui similis sit
tibi.

Annuntiavi, & locutus sum: *
Multiplicati sunt super numerum.

Sacrificium & oblationem nolui-
sti: * Aures autem perfecisti mihi.

Holocaustum & pro peccato non
postulasti: * Tunc dixi: Ecce venio.

In capite libri scriptum est de me,
ut facerem voluntatem tuam: * Deus
meus volui, & legem tuam in me-
dio cordis mei.

Annun-

His miseriis defuncto Dominus mihi novam suæ laudis materiam suppeditavit, quam carmine sequenti exprimo;

Quod omnes, qui audiverint, timore Dei & spe implebit.

Carmen id est: Bene fit homini, cuius spes est nomen Domini, & qui ad superbiorum vanitates, insanasque mendacii pompas non respexit.

Multa patraſti tu Deus Domine meus admiranda; nec quisquam est, qui ordinem tuorum erga nos consiliorum assequi cogitando possit.

Si ea enunciare & eloqui voluero, plura sunt, quam ut enumerari possint.

Pro quibus ut tibi gratificer, sacrificium & munus non petiisti; sed aures ad obediendum, totum corpus ad obsequia tua aptaſti mihi.

Holocaustum aliud pro peccato non postulasti. Quod probe intelligens dixi: ecce ad obediendum venio,

Ut voluntatem tuam impleam: quia hoc præcipuum caput est libri legis. Istud volo Deus meus, quam vere lex tua in medio cordis mei est.

Annuntiavi iustitiam tuam in Ecclesia magna : * Ecce labia mea non prohibebo : Domine tu scisti.

Iustitiam tuam non abscondi in corde meo : * Veritatem tuam , & salutare tuum dixi.

Non abscondi misericordiam tuam : & veritatem tuam : * A concilio multo.

Tu autem Domine , ne longe facias miserationes tuas a me : * Misericordia tua , & veritas tua semper susceperunt me.

Quoniam circumdederunt me mala , quorum non est numerus : * Comprehenderunt me iniquitates meæ , & non potui , ut viderem.

Multiplicatæ sunt super capillos capitis mei : * Et cor meum dereliquit me.

Complaceat tibi Domine , ut eruas me : * Domine ad adjuvandum me respice.

Con-

Quin ex cordis abundantia legem tuam in magna hominum congregatione annunciaui. Ecce enim Domine, tu nosti, quia ori meo imperare nequeo, ut fileat.

Sicut enim iustitiam tuam non celsavi in corde meo: ita veritatem tuam & Salutem a te emanantem ore prædicavi.

In frequente concilio veritatem tuam & misericordiam non reticui.

Tu autem Domine noli miserationes tuas arcere a me: misericordia & veritas tua semper me custodiunt.

Circumdederunt enim me mala, numero plurima: comprehenderunt me iniquitates meæ, quarum aspectum ferre non potui.

Nam ita multiplicatæ sunt ultra capillos capitis mei, ut animi deliquio corriperer.

Placeat tibi Domine, de calamitate me ista eruere: Domine ad adjuvandum me festina.

Confundantur, & reve-
reantur simul: * Qui quæ-
runt animam meam,
ut auferant eam.

Convertantur retrorsum, & reve-
reantur: * Qui volunt mihi mala.

Ferant confestim confusionem su-
am: * Qui dicunt mihi: Euge, euge.

Exultent & lætentur super te om-
nes quærentes te: * Et dicant sem-
per: magnificetur Dominus qui dili-
gunt salutare tuum.

Ego autem mendicus sum, & pau-
per: * Dominus sollicitus est mei.

Adjutor meus & protector meus
tu es: Deus meus ne tardaveris.

Requiem æternam.

Antiph. Complaceat tibi Domine,
ut eripias me: Domine ad adjuvan-
dum me respice.

Antiph. Sana Domine animam
meam, quia peccavi tibi.

Erubescant , & pudore simul omnes afficiantur , qui infidiantur vitæ meæ.

Convertantur in fugam , & rubore suffundantur , qui mala mihi evenire cupiunt.

Statim , e vestigio stupefacti dedecus suum reportent , qui mihi insultantes dicunt suum Euge , euge.

E contrario omnes ij exultent , & lætentur in te Domine , qui quærunt te , qui diligunt Salutem tuam ; & dicant semper : Magnificetur Dominus.

Sim ego mendicus , sim ego pauper : at sollicitudinem mei habet Dominus.

Tu , Deus meus , adjutor & defensor meus es ; opem tuam accelera.

Argumentum Psalmi.

David periculose decumbens conqueritur de falsis amicis , mortem ejus optantibus. *Allegorice* Christus de Juda , & Judæis.

Psalmus. 40.

Beatus, qui intelligit super egenum & pauperem : * In die mala liberabit eum Dominus.

Dominus conservet eum, & vivificet eum, & beatum faciat eum in terra : * Et non tradat eum in animam inimicorum ejus.

Dominus opem ferat illi super lectum doloris ejus : * Universum stratum ejus versasti in infirmitate ejus.

Ego dixi : Domine miserere mei : * Sana animam meam, quia peccavi tibi.

Inimici mei dixerunt mala mihi : * Quando morietur, & peribit nomen ejus ?

Et si ingrediebatur, ut videret, vana loquebatur : * Cor ejus congregavit iniquitatem sibi.

Egre-

Metaphrasis.

Bene illi , qui ultro cogitat de egeno
& paupere sublevando ; nam Dominus
in die malæ valetudinis liberabit eum ;

Dominus custodiat eum , vitamque
ei conservet : beatum eum in terra ef-
ficiat , neque tradat eum voluntati ini-
micorum ejus.

Dominus leniat dolores ejus in lectu-
lo infirmitatis. Et vero , Solatii causa
o Deus , lectulum ipsi commodiorem
compones.

Hac spe fretus dixi : Domine mise-
rere mei , & redde mihi sanitatem , qua
me peccata mea exspoliarent.

Inimici mala mihi cupientes jam-
jam dicebant : quandonam morietur
(David) & nomen ejus peribit ?

Amici autem falsi , collecta intus in
animo iniquitate , ad me quidem invi-
sendum ingressi accedebant :

Sed

Egrediebatur foras : * Et loquebatur in idipsum.

Adversum me susurrabant omnes inimici mei : * Adversum me cogitabant mala mihi.

Verbum iniquum constituerunt adversum me : * Nunquid qui dormit, non adiiciet, ut resurgat ?

Etenim homo pacis meæ, in quo speravi : * Qui edebat panes meos, magnificavit super me supplantationem.

Tu autem Domine miserere mei, & refuscita me : * Et retribuam eis.

In hoc cognovi, quoniam voluisti me : * Quoniam non gaudebit inimicus meus super me.

Me autem propter innocentiam suscepisti : * Et confirmasti me in conspectu tuo in æternum.

Bene-

Sed mox foras egressi a me, cum hostibus meis colloquebantur unanimes.

jam una omnes adversum me capita conferebant inimici mei, nihil nisi mala in meam perniciem inter se meditantés.

Imo contra me facinus iniquum sibi proponebant in omnem eventum, si forte ego, quem jam pro deposito habebant, ab infirmitate resurgerem.

Nedum Satis: Etiam familiaris meus, fiduciae meae, & mensae particeps magno cum molimine mihi pedem supposuit.

Nihilominus Domine! miserere tantum mei, & valetudini me restitue, atque ego bona pro malis retribuam eis.

Ex hoc cognoscam, placuisse me tibi, si inimico meo non permiseris gaudium me perdendi.

Me autem propter innocentiam meam in tute lam suscepisti, & æternam mihi stabilitatem in oculis tuis solidasti.

Bene-

Benedictus Dominus Deus Israel
a sæculo, & usque in sæculum: *
Fiat, fiat.

Requiem æternam.

Antiph. Sana Domine animam
meam, quia peccavi tibi.

Antiph. Sitivit anima mea ad
Deum vivum: quando veniam, &
apparebo ante faciem Domini?

Psalms 41.

Quemadmodum desiderat cervus
ad fontes aquarum: * Ita desi-
derat anima mea ad te Deus.

Sitivit anima mea ad Deum for-
tem vivum: * Quando veniam, &
apparebo ante faciem Dei?

Fuerunt mihi lacrymæ meæ pa-
nes die ac nocte: * Dum dicitur
mihi quotidie: ubi est Deus tuus?

Hæc

Benedictus Dominus Deus Israelis
a seculo hoc in secula omnia: Amen,
amen.

Argumentum Psalmi.

David in exilio plus sitit, & expe-
tit Dei præsentiam & communionem,
quam cervus fontes aquarum concupis-
cat. *D. Greg. Nyss. Tract. I. in Psal-*
mos. Sic etiam Christus pro nobis orat,
& quilibet Christianus pro se ad fontem
Salutis æternæ suspiret.

Metaphrasis.

Quemadmodum cervus præ siti mu-
giens anhelat fontes aquarum: Sic ani-
ma mea te desiderat Deus.

Sitivit anima mea Deum fortem,
Deum vivum: quandonam mihi veni-
re licebit, ut compaream in tabernacu-
lo ante faciem Dei? (in arca residen-
tis)

Fuerunt mihi lacrymæ simul pro pran-
dio, simul pro cæna, quia inimici in-
sultantes mihi quotidie dicunt: ubi est
nunc Deus auxiliator tuus?

Ho-

Hæc recordatus sum, & effudi
in me animam meam: * Quoniam
transibo in locum tabernaculi admi-
rabilis, usque ad domum Dei.

In voce exultationis, & confessio-
nis: * Sonus epulantis.

Quare tristis es anima mea? *
Et quare conturbas me?

Spera in Deo, quoniam adhuc
confitebor illi: * Salutare vultus
mei, & Deus meus.

Ad me ipsum anima mea contur-
bata est: * Propterea memor ero
tui de terra Jordanis, & Hermo-
nim a monte modico.

Abyssus abyssum invocat: * In
voce cataractarum tuarum.

Om-

Horum memor, omnes doloris & desiderii habenas in mente mea laxavi, & mox cum solatio cogitavi: quoniam transibo ad locum tabernaculi admirabilis, progrediar cum sociis usque ad domum Dei,

Inter Hymnos exultantibus & laudantibus Deum ea vocis solennitate, qua populus festa sua cum epulis celebrat.

Quare autem post hoc solatium iterum contristaris anime mi? & quare solatium meum ita perturbas? (Sc. metu hominum.)

Age Deum solum expecta, quoniam erit tempus, cum rursus illum laudabo; qui si vultu benigno vultum meum respexerit, salutem afferet Deus meus.

Sed frustra mihi animum suggero, quamdiu conturbatio ejus intime perseverat. Propterea memoria tui me solabor tantisper, dum procul a Tabernaculo tuo, exul in hac Jordanis vicina, & in minore duorum montium Hermonum commoror.

Fluctus fluctum fluctu trudit, cum jubes prærupta aquarum cum strepitu in meum caput resolvi.

Omnia excelsa tua , & fluctus tui :
* Super me transierunt.

In die mandavit Dominus misericordiam suam : * Et nocte canticum ejus.

Apud me oratio Deo vitæ meæ :
* Dicam Deo : Susceptor meus es tu.

Quare oblitus es mei ? & quare contristatus incedo : * Dum affligit me inimicus ?

Dum confringuntur ossa mea : * Exprobraverunt mihi , qui tribulant me , inimici mei.

Dum dicunt mihi per singulos dies ubi est Deus tuus ? * Quare tristis es anima mea , & quare conturbas me ?

Spera in Deo , quoniam adhuc confitebor illi : * Salutare vultus mei , & Deus meus.

Requiem æternam.

Antiph.

Etiam cæli violentis imbribus depluunt, meque fluctuum inundatione demergunt.

Attamen in omnibus his calamitatibus meis diu noctuque Deus misericordia sua me fovet : diu noctuque laudes ejus cantabo,

Ac Deum vitæ meæ Dominum pro me deprecabor. Dicam Deo : tu es per-
fugium meum,

Quid est ergo, quod timeam, te mei fore inmemorem ? Quid est quod tristis incedam, dum inimicus me opprimit ?

Dum vires meæ franguntur, dum hostes mihi exprobrant,

Dicentes quotidie, ubi est Deus tuus ? Eundem semper sermonem repētens dicam : quare contristaris anime mi, & solatium meum perturbas ?

Deum solum expecta ; quoniam erit tempus, cum eum laudabo rursus ; qui si vultu benigno me respexerit, salutem afferet Deus meus,

Antiph. Sitivit anima mea ad Deum vivum : quando veniam, & apparebo ante faciem Domini.

ψ. Ne tradas bestiis animas confitentes tibi.

℞. Et animas pauperum tuorum ne obliviscaris in finem.

Pater noster. Totum Secreto.

Lecl. VII. Job. 17.

V. 1. **S**piritus meus attenuabitur, dies mei breviabuntur, & solum mihi superest sepulchrum. 2. Non peccavi ; & in amaritudinibus moratur oculus meus. 3. Libera me Domine, & pone me juxta te ; & cujusvis manus pugnet contra me. 4. Dies mei transierunt, cogitationes meæ dissipatæ sunt, torquentes
cor

Leſtio VII.

*Meditatio mortis, quæ est miſeriarum
omnium terminus, a quo ſe proxime
diſtare præſagit Job ex magnitudine
& multitudine ærumnarum.*

V. 1. Vires meæ exhaustæ ſunt, dies
mei ſuccifi ſunt, & ſolam mihi ſupereſt
ſepulcrum. 2. Innocens ego nonne ha-
bito cum irriſoribus meis? quorum vel
conſpectum ferre; nonne amariffimum
eſt oculis cruciamentum? 3. Ab iſtis
libera me Domine, & præbe te quæſo
vadem mihi. Tum mecum contendant
in iudicio, quotquot volent; ſi ſpon-
ſor & liberator Deus pro me, quis con-
tra me? 11. Nulla unquam mihi quies,
G nec

cor meum. 12. Noctem verterunt in diem, & rursus post tenebras spero lucem. 13. Si sustinero, infernus domus mea est, & in tenebris stravi lectulum meum. 14. Putredini dixi: Pater meus est, mater mea, & soror mea vermibus. 15.

Ubi est ergo nunc præstolatio mea, & patientiam meam quis considerat?

R. Peccantem me quotidie, & non me poenitentem, timor mortis conturbat me: Quia in inferno nulla est redemptio, miserere mei Deus, & salva me.

ψ. Deus in nomine tuo saluum me fac, & in virtute tua libera me.

R. Quia in inferno nulla est redemptio; miserere mei Deus, & salva me.

Leet. VIII. Job. 19.

V. 20. **P**elli meæ consumptis carnibus, adhæsit os meum, & derelicta sunt tantummodo labia
cir-

nec die, nec nocte. Nam dies mei transeunt inter cogitationes anxias & distractas, quæ cor meum possident, lancinant, torquent. 12. Eædem curæ noctes mihi reddunt insomnes, ita ut pulsas tenebris auroram mihi optem levamini futuram. 13. Si hæc diutius cum omni patientia sustinenda sunt, propediem sepulcrum erit domus mea, ubi tenebricolum mihi lectulum sternent 14. putredo & vermes. Hæc erit tota cognatio mea, quacum habitem Patris, Matris, Sororis loco. 15. Post hæc omnia ubi est requies æterna, quam præstolor, & spero, nisi in Deo solo? aut patientiam meam quis considerat ad remunerandum, nisi solus item Deus?

Leet. VIII.

Meditatio mortis, resurrectionis, & visionis beatificæ, qua misérias hujus vitæ Job consolatur.

V. 20. Adeo Marasmus exhaust carnes meas, ut ossa cuti præ ficcitate adhæreant, & absumptis genis ac gingivis sola mihi labia circa dentes relin-

circadentes meos. 21. Misere mini mei
misere mini mei saltem vos amici mei;
quia manus Domini tetigit me. 22.
Quare persequimini me sicut Deus, &
carnibus meis faturamini? 23. Quis
mihi tribuat, ut scribantur fermones
mei? quis mihi det, ut exarentur in
libro 24. stylo ferreo, & plumbi
lamina, vel celte sculpantur in filice?
25. Scio enim, quod Redemptor
meus vivit, & in novissimo die de
terra surrecturus sum: 26. & rursus
circumdabor pelle mea, & in carne
mea videbo Deum meum. 27. Quem
visurus sum ego ipse, & oculi mei
conspecturi sunt, & non alius: re-
posita est hæc spes mea in sinu meo.

R. Domine, secundum actum me-
um noli me judicare: nihil dignum
in conspectu tuo egi: ideo deprecor
majestatem tuam; Ut tu Deus de-
leas iniquitatem meam.

R. Amplius lava me Domine ab
injustitia, & a delicto meo munda me.

R.

quantur. 21. Ideo miseremini mei, miseremini mei, saltem vos amici mei, quia manus Domini tetigit me. 22. Quare autem miserationis loco persequimini me sicut Deus, & cruciatibus meis insuper delectamini, imo his non satiati, & contenti, etiam graviores mihi imprecamini? 23. Quis mihi nunc det, ut sermones mei (mox proferendi) scripto consignentur? quis mihi det, ut vel notentur in libro, 24. vel stylo ferreo in lamina plumbea, vel in saxo cælentur ad perpetuam rei memoriam? 25. Sermones autem hi sunt: Scio ego, Redemptorem meum vivere, & die novissimo corpus meum e pulvere surrecturum; 26. Et postquam hanc meam cutem vermes corroserint, rursus ea convestitus, in carne mea videbo Deum: 27. Quem visurus sum ego ipse, & oculi mei conspecturi sunt, ego idem, & non alius. (non in novo, sed in hoc ipso corpore.) Hæc spes perfecta est in visceribus meis.

℞. Ut tu Deus deleas iniquitatem meam.

Leet. IX. Job, 10.

V. 18. **Q**uare de vulva eduxisti me? qui utinam consumptus essem, ne oculus me videret. 19. Fuissem quasi non essem, de utero translatus ad tumulum. 20. Nunquid non paucitas dierum meorum finietur brevi? Dimitte me ergo, ut plangam paululum dolorem meum: 21. antequam vadam, & non revertar ad terram tenebrosam, & opertam mortis caligine: 22. terram miseriæ & tenebrarum, ubi umbra mortis, & nullus ordo, sed semperpiternus horror inhabitat.

℞. Libera me Domine de morte æterna in die illa tremenda: Quando cæli movendi sunt & terra: Dum veneris judicare sæculum per ignem.

ÿ.

Lect. IX.

*Meditationis continuatio, quæ cæpta
est lectione II. & III. in Nocturno I.
& ceterarum lectionum Anacephalæosis.*

V. 18. Quare me servum peccati in lucem protraxisti ex utero Matris? Utinam expers peccati consumptus essem, nequis oculus sub illius jugo me videret. 19. Fuissem tum quidem quasi sine origine, sed etiam sine originis peccato, statim a partu translatus ad tumulum. 20. Nunc vero nondumne reliquiae dierum meorum finem spectant? Nondum. Ergo desine paululum me torquere, ut vel gemendo non nihil a doloribus meis respirem: 21. Antequam vadam toto corpore, non reversurus nisi novissimo die, ad terram tenebrosam, & opertam mortis caligine; 22. Terram miserrimæ obscuritatis, ubi mortis umbra dominatur, quæ ossa omnium sine ordine dignitatum, confusione horribili absque cessatione opprimit.

ψ. Tremens factus sum ego , & timeo , dum discussio venerit , atque ventura ira.

℞. Quando cæli movendi sunt & terra. Dum veneris judicare sæculum per ignem.

ψ. Dies illa , dies iræ , calamitatis & miseriæ , dies magna & amara valde.



R. Dum veneris judicare sæcu-
lum per ignem:

Y. Requiem æternam dona eis
Domine, & lux perpetua luceat eis.

R. Libera me Domine de morte
æterna, in die illa tremenda: Quar-
do cæli movendi sunt & terra: Dum
veneris judicare sæculum per ignem.



AD LAUDES

*Absolute incipitur ab**Antiph.* Exultabunt Domino ossa humiliata.*Psalmus 50.*

Miserere mei Deus : * Secundum magnam misericordiam tuam.

Et secundum multitudinem miserationum tuarum : * Dele iniquitatem meam.

Amplius lava me ab iniquitate mea : * Et a peccato meo munda me.

Quoniam iniquitatem meam ego cognosco : * Et peccatum meum contra me est semper.

Tibi soli peccavi , & malum coram te feci : * Ut justificeris in sermo-

Argumentum Psalmi.

Carmen Davidis, cum ad eum venisset Nathan Propheta, post patratum cum Bethsabea scelus. Seu humillima pro peccato deprecatio. *B. Alcuinus in hunc.*

Metaphrasis.

Miserere mei, o Deus, secundum magnam misericordiam tuam.

Et secundum multitudinem amabilium miserationum tuarum, abole pravaricationes meas.

Etiam, atque etiam iniquitatis meae pœnas dele, & vel a peccati facta recordatione munda memoriam meam.

Quoniam iniquitatem meam ego cognosco, & peccatum meum oculis meis semper præsens obversatur.

In te solum peccavi, & male coram te feci. Sed tu tamen promissam poenitentibus veniam mihi concede, ut
fide-

monibus tuis, & vincas cum iudicaris.

Ecce enim in iniquitatibus conceptus sum : * Et in peccatis concepit me Mater mea.

Ecce enim veritatem dilexisti : * Incerta & occulta sapientiæ tuæ manifestasti mihi.

Asperges me hyssopo, & mundabor : * Lavabis me, & super nivem dealbabor.

Auditui meo dabis gaudium & lætitiā : * Et exultabunt ossa humiliata.

Averte faciem tuam a peccatis meis : * Et omnes iniquitates meas dele.

Cor mundum crea in me Deus : * Et spiritum rectum innova in visceribus meis.

Nec

fidelitas promissionum tuarum appareat, & vincens agnoscaris iustissimus, five dum homines nunc de te judicant, five cum tu eos olim publice judicabis.

Ecce enim in peccato originali, omnium aliorum fonte, conceptus sum: & in peccati proprii servitute fovit me mater mea. Hæc prima causa commiserationis.

Ecce causam alteram; etenim veritatem confessionis meæ diligis. Ecce tertiam; quia Prophetias, mysteria tua, aliis incerta & occulta, manifestasti mihi.

Tinge me aspergine hyssopi sanguinea, & mundabor secundum legem: lava me (Christi sanguine), & super nivem dealbabor secundum gratiam.

Auribus meis verbum gratiæ tuæ gaudium afferat, & lætitiā; & ossa contrita exultabunt.

Peccata mea ne respice: & debita iniquitatum mearum expunge.

Cor mundum crea in me Deus, & spiritum rectum renova in præcordiis meis.

Ne proijcias me a facie tua : *
Et spiritum sanctum tuum ne auferas a me.

Redde mihi lætitiā salutaris tui :
Et spiritu principali confirma me.

Docebo iniquos vias tuas : * Et
impīi ad te convertentur.

Libera me de sanguinibus Deus,
Deus salutis meæ : * Et exaltabit
lingua mea iustitiā tuam.

Domine labia mea aperies : * Et
os meum annuntiabit laudem tuam.

Quoniam si voluisses sacrificium,
dedissem utique : * Holocaustis non
delectaberis.

Sacrificium Deo spiritus contribu-
latus : * cor contritum & humiliatum
Deus non despicies.

Benigne fac, Domine, in bona
voluntate tua Sion : * Ut ædificen-
tur muri Jerusalem.

Tunc

Ne proicias me indignum conspectu tuo, & spiritum sanctum tuum ne auferas a me.

Sed redde mihi amissam salutis tuæ lætitiā, & spiritu principali confirma me.

Sic instructus docebo iniquos legem tuam, & impii meo exemplo ad te convertentur.

Libera me Deus, Deus salus mea, a culpa profusi sanguinis: (præsertim divini) & iustitiam tuam eo propitiam exultans laudabo.

Laudem hanc os meum annuntiabit tibi; sed tu Domine labia mea in eandem resolve.

Quoniam si voluisses præ laudibus sacrificium, dedissem utique: sed tu neque illo, neque holocaustis delectaris.

Sacrificium Deo præcipuum est spiritus contritus pœnitentia: cor mærore fractum, & sese abiiciens non despicias Deus.

Benignitatem quoque hanc tuam, Domine, propitius extende ad totam Sionem, ut muri Urbis Jerosolymæ, nondum penitus exædificati, perficiantur.

Tunc

Tunc acceptabis sacrificium iustitiæ oblationes, & holocausta: *
Tunc imponent super altare tuum vitulos.

Requiem æternam.

Antiph. Exultabunt Domino ossa humiliata.

Antiph. Exaudi Domine orationem meam, ad te omnis caro veniet.

Psalms 64.

Te decet Hymnus Deus in Sion: *
Et tibi reddetur votum in
Jerusalem.

Exaudi orationem meam: * Ad
te omnis caro veniet.

Verba iniquorum prævaluerunt
super nos: * Et impietatibus nostris
tu propitiaberis.

Bea-

Tunc nimirum pace restituta, oblectabit te sacrificium justitiæ, munera & holocausta: tunc vitulos altari tuo imponent.

Argumentum Psalmi.

Canticum hoc Davidis, suadente diu ante Jeremia & Ezechiele cecinit populus Israeliticus, dum e captivitate Babylonica redire Domum inciperet. *Anagogice* eodem cantico se consolantur fideles Christiani, qui ex hac lacrymarum valle ad cælestem Jerosolymam contendunt. *Allegorice* Ecclesia solum fertilissimum. *Weitenau.*

Metaphrasis.

Te, o Deus, in Sione habitans, laus decet ubique perseverans; sed laudis instar etiam habes silentium ex reverentia, donec Jerosolymæ Anathemata offerantur.

Exaudi preces meas: omnes homines (tibi fideles) ad te venient, (reduces ex capivitate.)

Ignominiosi quidem sermones calumniatorum contra nos invaluerunt: Sed siquid egimus perperam, tu propitius ignosces omnibus, si autem omnibus; Saltem

Beatus, quem elegisti, & assump-
sisti: * Inhabitabit in atriis tuis.

Replebimur in bonis domus tuæ:
* Sanctum est templum tuum, mi-
rabile in æquitate.

Exaudi nos Deus salutaris no-
ster: * Spes omnium finium ter-
ræ, & in mari longe.

Præparans montes in virtute tua,
accinctus potentia: * Qui conturbas
profundum maris, fonum fluctuum
ejus.

Turbabuntur gentes, & timebunt,
qui habitant terminos a signis tuis:
* Exitus matutini & vespere dele-
ctabis.

Visitasti terram, & inebriasti eam:
* Multiplicasti locupletare eam.

Flumen Dei repletum est aquis,
parasti cibum illorum: * Quoniam
ita est præparatio ejus.

Ri-

Beatus ille, quem tu elegeris, & assumpseris, ut in atriis sanctuarii tui post tot molestias compareat in Urbe sancta.

Repletimur bonis omnibus, quæ soles elargiri in Domo tua, ubi sanctuarium est templi tui & Thronus justitiæ tuæ formidabilis.

Admitte preces nostras, Deus Salus nostra, & spes omnium usque ad ultimos terræ fines, & maxime remotas insulas maris.

Tu es, cujus nutu montes stant; cujus armatura est omnipotentia; cujus imperium profundi maris tumultum excitat, & fragorem fluctuum componit.

Sicut gentes turbantur, & timent, quæ inter fines terræ habitant, videntes mirabilia hæc signa maris: ita ab ortu Syderum usque ad occasum homines cælesti jucunditate ad júbila excitas.

Post eam maris, & cæli curam, sic terram visitas, ut alibi eam pluvia uberima irriges, & quam plurimum locupletes:

Alibi Nilum usque ad redundantiam aquis repleas, & ita frumentum in cibum ægyptiorum præparetur. Nimirum talis est œconomia terræ.

Rivos ejus inebria , multiplica
genimina ejus : * In stillicidiis ejus
lætabitur germinans.

Benedices coronæ anni benigni-
tatis tuæ : * Et campi tui replebun-
tur ubertate.

Pinguescent speciosa deserti : *
Et exultatione colles accingentur.

Induti sunt arietes ovium , & val-
les abundabunt frumento : * Clama-
bunt , etenim hymnum dicent.

Requiem æternam.

Antiph. Exaudi Domine oratio-
nem meam , ad te omnis caro veniet.

Antiph. Me suscepit dextera tua
Domine.

Psalms 62.

Deus Deus meus : * ad te de
luce vigilo.

Siti-

Suleis ejus , oro , rivos aquarum
superfunde : fruges ejus multiplica : om-
ne germinans a pluviis lætitia recree-
tur.

Benignitas tua totius anni circulum
coronat : curru tuo per semitas campo-
rum veheris , & rotæ pingui ubertate
stillant.

Etiam loca deserta ita reflorescent ,
ut opima ferant pascua ; & collium pom-
pa ad exultationem se accinget.

Jam puto me videre , ut in vallibus
frumento coopertis , arietes pascuntur
numerofo ovium grege circumdati : om-
nia lætis clamoribus & canticis perfo-
nant.

Argumentum Psalmi.

Consolatio Davidis , cum esset in de-
serto Idumnææ. *Anagogice*, peregri-
nantis exulis vota , patriam cælestem
desiderantis , & quid ad id requiratur.
Joannes Pastura in hunc.

Metaphrasis.

O Deus fortissime ! ad te primo ma-
ne vigilo.

Sitivit in te anima mea : * Quam multipliciter tibi caro mea.

In terra deferta , & invia , & inaquosa : * Sic in sancto apparui tibi , ut viderem virtutem tuam , & gloriam tuam.

Quoniam melior est misericordia tua super vitas : * Labia mea laudabunt te.

Sic benedicam te in vita mea : * Et in nomine tuo levabo manus meas.

Sicut adipe & pinguedine repletur anima mea : * & labiis exultationis laudabit os meum.

Si memor fui tui super stratum meum , in matutinis meditabor in te : * Quia fuisti adjutor meus.

Et in velamento alarum tuarum exultabo , adhæsit anima mea post te : * me suscepit dextera tua.

Te anima mea, & corpus meum multiplici de causa perfrui, & laudare in patria desiderant, ac sitiunt.

Interim etiam in exilii loco in terra deserta, & invia, & aquarum experte, non secus, ac olim in sanctuario tuo, te respexi, ut potentiam & gloriam tuam viderem.

Hoc faciens experior, quod melior est misericordia tua & consolatio, quam vita multo felicissima. Ideo labia mea laudabunt te.

Sic pergam per omnem vitam tibi benedicere: & nomen tuum invocans, manus meas levabo in oratione.

Sicut adipe pingui & delicata, ita cælesti gratia & consolatione repleatur anima mea: & labiis laudantibus canam exultans.

Sicut memor tui sum obdormiscens, ita & evigilans te meditor; quia fuisti auxilium mihi:

Et in umbra alarum tuarum exultabo. Agglutinata est anima mea tibi glutine caritatis, dextera tua me sustentat.

Ipsi vero in vanum quæsierunt ,
animam meam, introibunt in inferio-
ra terræ: * Tradentur in manus gla-
dii, partes vulpium erunt.

Rex vero lætabitur in Deo, lau-
dabuntur omnes, qui jurant in eo:
* Quia obstructum est os loquentium
iniqua.

Psalmus 66.

Deus miseratur nostri, & bene-
dicat nobis: * Illuminet vultum
suum super nos, & misereatur no-
stri,

Ut cognoscamus in terra viam
tuam: * In omnibus Gentibus sa-
lutare tuum.

Con-

Ipsi vero, qui etsi frustra vitam eripere mihi quæsierunt, in partes infimas terræ mortui inferentur: aut gladiis consumentur, & insepulti ferarum pabulum erant.

Ego vero Rex lætabor in Deo: mecum gloriabuntur omnes, quotquot Deum verum colunt & adorant, eoquod obstructum est os calumniatorum, qui justos inique persequuntur.

Argumentum Psalmi.

Propagatio fidei inter gentes, Deum trinum & unum adorantes. *Gerhard Lorichius in hunc.*

Metaphrasis.

Deus miseratur nostri, & benedicat (bene faciat) nobis: sereno, hilarique vultu nos respiciat, & miseratur nostri.

Ut cognoscatur in terris via tua, (Ecclesia) & in omnibus gentibus salus tua (Salvator).

Confiteantur tibi populi Deus : *
Confiteantur tibi populi omnes.

Lætentur & exultent gentes : *
Quoniam iudicas populos in æquitate, & gentes in terra dirigis.

Confiteantur tibi populi Deus, confiteantur tibi populi omnes : * Terra dedit fructum suum.

Benedicat nos Deus Deus noster, benedicat nos Deus : * Et metuant eum omnes fines terræ.

Requiem æternam.

Antiph. Me suscepit dextera tua Domine.

Antiph. A porta inferi, erue Domine animam meam.

Canticum Ezechiae Isaiaë 38.

Ego dixi in dimidio dierum meorum : * Vadam ad portas inferi.

Quæ.

Propterea laudent te populi, Deus!
laudent te populi omnes.

Lætentur & exultent gentes; quoniam iudex populorum æquissimus, & dux gentium in terra es.

Iterum iterumque laudent te populi, Deus! laudent te populi omnes: terra virginea dedit, germinavit fructum suum, servatorem Christum.

Benedicat nobis Deus Pater, Deus noster Emanuel Filius, Deus Spiritus sanctus benedicat nobis, & metuant eum trinum & unum omnes fines terræ.

Argumentum Canticj.

Scriptura Ezechiaë Regis Juda, cum ægrotasset, & convaluisset de infirmitate sua. *Esaï c. 38.* Cecinit hoc carmen Rex, postquam mortem deprecatus est, sibi ab Esaia Propheta indictam.

Metaphrasis.

Annis adhuc florens, in dimidiato vitæ cursu dixi: actum est, ego vado ad portam sepulcri.

Al-

Quæsiui residuum annorum meorum : * Dixi non videbo Dominum Deum in terra viventium.

Non aspiciam hominem ultra : * Et habitatorem quietis.

Generatio mea ablata est, & convoluta est a me : * Quasi tabernaculum pastorum.

Præcisa est velut a texente, vita mea ; dum adhuc ordirem, succidit me : * De mane usque ad vesperam finies me.

Sperabam usque ad mane : * Quasi leo sic contrivit omnia ossa mea.

De mane usque ad vesperam finies me : * Sicut pullus hirundinis sic clamabo, meditabor ut columba.

Attenuati sunt oculi mei : * Supicientes in excelsum.

Do-

Alterum annorum dimidium, quod superesset, anxie requirens dixi iterum: actum est, non videbo templum Domini Dei in hac terra vivorum.

Nullius hominis deinceps aspectu fruar ex eorum numero, qui præsenti tempore pacifice habitant.

Posteritas mea, quam speravi, a me improli aufertur quasi tabernaculum pastoris, quod subito detensum convolvitur.

Imo vitam meam ipse cogor abrumperé, quemadmodum textor telam imperfectam præcidit. Deus is est, qui fila tenuia adhuc in ortu succidit, & antequam dies hic elabatur, finem mihi faciet. Id quidem timebam;

Sed rursus sperabam, usque ad auroram me superstitem futurum. Verum mane recrudescentis morbus irruit instar leonis, omnia ossa conterentis, adeo;

Ut denuo dicerem: Antequam dies iste elabatur, finies me. Et hæc tam gracili voce proferebam, sicut pullus hirundinis, gemebam sicut columba.

Simul defatigati sunt oculi mei, sursum intenti semper in cælum.

Domine vim patior, responde pro me: * Quid dicam, aut quid respondebit mihi, cum ipse fecerit?

Recogitabo tibi omnes annos meos: * In amaritudine animæ meæ.

Domine si sic vivitur, & in talibus vita spiritus mei, corripies me, & vivificabis me: * Ecce in pace amaritudo mea amarissima.

Tu autem eruisti animam meam, ut non periret: * Projecisti post tergum tuum omnia peccata mea.

Quia non infernus confitebitur tibi, neque mors laudabit te: * Non expectabunt, qui descendunt in lacum, veritatem tuam.

Domine, majorem morbi vim patior, quam ferre possim: tu veluti sponderes pro me, partes meas tantisper subii. Quid queror demens? nunquid spondebit pro me ille, qui morbum hunc ipsemet fecit?

Potius examen generale omnium peccatorum institutam, & gradatim omnes annos cum amaro dolore animi coram te pertransibo.

Confiteor tibi Domine, quoniam sine peccatis levibus non vivitur; sed peccato gravi immunis perseverat vita animæ meæ. Siquidem propter illa, immisso hoc morbo, velut anxio somno, me corripis: tamen ex eo excitatum me sanabis. (*Sc. ob peccati & pænæ proportionem aliquampiam.*) Et ecce! jamjam sollicitudo mea amarissima pacata est.

Tu enim animam meam amanter complexus, e morte eruisti, peccatorum meorum omnium oblitus.

Nec enim in sepulcro laudabit te quispiam, nec in mortis faucibus te prædicabit: non expectabunt, qui descendunt in foveam tumuli, fidele auxilium tuum.

Vivens vivens ipse confitebitur
tibi, sicut & ego hodie: * Pater
filiis notam faciet veritatem tuam.

Domine saluum me fac: * Et
psalmos nostros cantabimus cunctis
diebus vitæ nostræ in domo Domini.

Requiem æternam dona eis Do-
mine: * Et lux perpetua luceat eis.

Antiph. A porta inferi, erue Do-
mine animam meam.

Antiph. Omnis spiritus laudet
Dominum.

Psalms. 148.

Laudate Dominum de cælis: *
Laudate eum in excelsis.

Laudate eum omnes Angeli ejus:
* Laudate eum omnes virtutes ejus.

Laudate eum sol & luna: * Lau-
date eum omnes stellæ & lumen.

Lau-

Vivi, vivi, ipsi te laudabunt; sicut
& ego hodie: pater filiis nuntiabit fi-
delitatem tuam.

Domine conserva me, & carmina
nostra cantabimus per omnem vitam
nostram in domo Domini.

*Argumentum Psalmorum
sequentium.*

Invitantur omnes Creaturæ ad laudan-
dum Deum tam in sensu metaphorico,
quatenus loquuntur magnalia Dei, quam
in sensu metonymico, quatenus sui con-
templatione homo ad laudes divinas sti-
mulatur.

Metaphrasis.

Laudate Dominum, o incolæ cæli,
laudate eum in excelso.

Laudate eum omnes Angeli ejus,
laudate eum omnes exercitus ejus.

Laudate eum sol & luna, laudate eum
omnes stellæ lucidæ.

Laudate eum cæli cælorum : *
Et aquæ omnes, quæ super cælos
sunt, laudent nomen Domini.

Quia ipse dixit, & facta sunt : *
Ipse mandavit, & creata sunt.

Statuit ea in æternum, & in sæ-
culum sæculi : * Præceptum posuit,
& non præteribit.

Laudate Dominum de terra : *
Dracones, & omnes abyssi.

Ignis, grando, nix, glacies, spi-
ritus procellarum : * Quæ faciunt
verbum ejus.

Montes, & omnes colles : * Lig-
na fructifera, & omnes cedri.

Bestiæ, & universa pecora : * Ser-
pentes, & volucres pennatæ.

Reges terræ, & omnes populi :
* Principes & omnes iudices terræ.

Juvenes & virgines, senes cum
junioribus laudent nomen Domini :

Quia

Laudate eum cæli supremi : & aquæ omnes, quæ super cælos inferiores sunt, laudent nomen Domini.

Quia ipse dixit, & facta sunt : ipse mandavit, & creata sunt.

Statuit ea in perpetuum, in sæcula : legem dedit, quam natura nunquam faciet irritam.

Laudate Dominum, tu o terra cum tuis, vos o profunda maria, & balenæ.

Ignis, & grando, nix & glacies, vapor & ventorum turbines : qui illius imperium exequuntur.

Montes & omnes colles : arbores fructiferæ, & omnes cedri ;

Bestia, & omne jumentum : Serpens & volucris pennata ;

Rationis autem usu laudate reges terræ, & omnes populi, principes & omnes iudices terræ.

Juvenes & virgines, senes cum junioribus laudent nomen Domini.

Quia exaltatum est nomen ejus
soli.

Confessio ejus super cælum & ter-
ram : * Et exaltavit cornu populi sui.

Hymnus omnibus sanctis ejus :
* filiis Israel, populo appropinquan-
ti sibi.

Psalms 149.

Cantate Domino canticum novum :
Laus ejus in Ecclesia sanctorum.

Lætetur Israel in eo, qui fecit
eum : * Et filii Sion exultent in re-
ge suo.

Laudent nomen ejus in choro : *
In tympano & psalterio psallant ei.

Quia beneplacitum est Domino in
populo suo : * Et exaltabit mansue-
tos in salutem.

Quia non est nomen super nomen Dei
(Jehova , & Jesu) .

Gloria ejus in terra & cœlo relucet :
& exaltavit potentiam populi sui.

Hymnus iste laudis potissimum sit
in ore omnium sanctorum , hoc est , Isra-
elitarum , qui populus electus est , ei
propinquus per religionem.

Metaphrasis.

Cantate Domino carmen novi argu-
menti & artificii : laus ejus in cœtu
Sanctificatorum Deo.

Lætetur Israel in eo , qui fecit ipsum :
& filii Sion exultent propter Regem
suum. (Deum , & Christum.)

Laudent nomen ejus in publico con-
ventu , & concentu : ad tympanum &
citharam psallant ei. ;

Quia placet Domino populus suus :
& exaltabit mites , ac humiles corde ,
salutem eis afferens.

Exultabunt sancti in gloria: * Lætabuntur in cubilibus suis.

Exaltationes Dei in gutture eorum: * Et gladii ancipites in manibus eorum.

Ad faciendam vindictam in nationibus: * Increpationes in populis.

Ad alligandos reges eorum in compedibus: * Et nobiles eorum in maniciis ferreis.

Ut faciant in eis iudicium conscriptum: * Gloria hæc est omnibus sanctis ejus.

Psalmus 150.

Laudate Dominum in sanctis ejus: Laudate eum in firmamento virtutis ejus.

Laudate eum in virtutibus ejus: * Laudate eum secundum multitudinem magnitudinis ejus.

Lau-

db

q

db

db

Exultabunt sancti in gloria, jubila-
bunt in thalamo quietis suæ.

Excelsæ sunt laudes Dei in ore eo-
rum; gladius autem utrinque acutus
in manu eorum,

Ad sumendam vindictam de genti-
bus, & increpandos populos;

Ad vinciendos compedibus Reges
eorum, & catenis ferreis nobiles eo-
rum:

Ut scriptam in eos sententiam pera-
gant: gloria hæc omnes ejus Sanctos
manet.

Metaphrasis.

Laudate Dominum in sanctuario ejus:
laudate eum in firmamento potentiae
suæ,

Laudate eum ob facta sua fortissima:
laudate eum secundum multitudinem
magnitudinis suæ.

Lau-

Laudate eum in sono tubæ : *
Laudate eum in psalterio & cithara.

Laudate eum in tympano & cho-
ro : * Laudate eum in chordis &
organo.

Laudate eum in cymbalis bene
sonantibus, laudate eum in cymba-
lis jubilationis : * Omnis spiritus lau-
det Dominum.

Requiem æternam.

Antiph. Omnis spiritus laudet Do-
minum.

ψ. Audivi vocem de cælo dicen-
tem mihi.

&. Beati mortui, qui in Domi-
no moriuntur.

Antiph. Ego sum resurrectio, &
vita: qui credit in me, etiamsi mor-
tuus fuerit, vivet: & omnis, qui
vivit, & credit in me, non morietur
in æternum.

Can.

Laudate eum clangore tubæ : laudate eum in psalterio & cithara.

Laudate eum tympano & tibia : laudate eum fidibus & organo.

Laudate eum cymbalis sonoris , laudate eum cymbalis ad exultationem excitantibus.

Omne quod spirat voce , flatu , anhelitu suo laudet Dominum auctorem cantus tam sonori.



Canticum Zachariæ Luc. I.

Benedictus Dominus Deus Israel:
 * Quia visitavit, & fecit redemp-
 tionem plebis suæ.

1.) Et erexit cornu salutis no-
 bis: * In domo David pueri fui.

2.) Sicut locutus est per os san-
 ctorum: * Qui a sæculo sunt, pro-
 phetarum ejus.

Salutem ex inimicis nostris: * Et
 de manu omnium, qui oderunt nos.

Ad faciendam misericordiam cum
 patribus nostris: * Et memorari
 testamenti sui sancti.

3.) Jusjurandum, quod juravit
 ad Abraham patrem nostrum: * Da-
 turum se nobis.

Ut

1.) i. e. Erexerit robur & firmamentum Salutis
 nostræ Messiam.

2.) i. e. Deus per os sanctorum veterum Pro-
 phetarum promisit, liberaturum se nos ab
 inimicis, & erepturum ex hostium manibus.

3.) i. e. Hoc est juramentum, quod Deus ju-
 ravit Abraham Patri nostro, nempe facturum
 se esse, ut sine timore &c. serviamus illi &c.

Ut sine timore de manu inimicorum nostrorum liberati : * Serviamus illi.

In sanctitate & iustitia coram ipso : * Omnibus diebus nostris.

4.) Et tu puer, propheta altissimi vocaberis : * Præibis enim ante faciem Domini, parare vias ejus.

Ad dandam scientiam salutis plebi ejus : * In remissionem peccatorum eorum. 5.)

Per viscera misericordiae Dei nostri : * In quibus visitavit nos oriens ex alto.

Illuminare his, qui in tenebris, & in umbra mortis sedent : * Ad dirigendos pedes nostros in viam pacis. 6.)

Re-

4.) i. e. Et tu fili mi Joannes.

5.) i. e. Peccatorum populi.

6.) i. e. Hoc totum fiet per misericordiam Dei, ex qua oriens de caelo lumen (Christus) nos visitat, ut illuminet hos, qui in tenebris sedent &c.

Requiem æternam.

Antiph. Ego sum resurrectio,
& vita: Qui credit in me, etiam si
mortuus fuerit, vivet: et omnis qui
vivit, & credit in me, non morie-
tur in æternum.

Pater noster. *Secreto.*

ŷ. Et ne nos inducas in tentatio-
nem.

℞. Sed libera nos a malo.

ŷ. A porta inferi.

℞. Erue Domine animam ejus.

ŷ. Requiescat in pace.

℞. Amen.

ŷ. Domine exaudi orationem
meam.

℞. Et clamor meus ad te veniat.

ŷ. Dominus vobiscum.

℞. Et cum spiritu tuo.

Ore-

*Oremus.**Pro Episcopo. Oratio.*

Deus, qui inter Apostolicos Sacerdotes famulum tuum N. Pontificali fecisti dignitate vigere: præsta quæsumus, ut eorum quoque perpetuo aggregetur consortio. Per Dominum nostrum Jesum Christum &c. R. Amen.

Pro Sacerdote. Oratio.

Deus, qui inter Apostolicos Sacerdotes famulum tuum N. Sacerdotali fecisti dignitate vigere: præsta quæsumus, ut eorum quoque perpetuo aggregetur consortio. Per Dominum nostrum &c. R. Amen.

Pro

Pro uno defuncto. Oratio.

Absolve, quæsumus Domine, animam famuli tui N. ut defunctus sæculo tibi vivat: & quæ per fragilitatem carnis humana conversatione commisit, tu venia misericordissimæ pietatis absterge. Per Dominum nostrum Jesum Christum &c. R. Amen.

ψ. Requiem æternam dona ei Domine.

R. Et lux perpetua luceat ei.

ψ. Requiescat in pace.

R. Amen.

In Anniversario Sodalium defunctorum.

Dicto Pater noster secreto, dicitur:

ψ. Et ne nos inducas in tentationem.

R.

R. Sed libera nos a malo.

ψ. A porta inferi.

R. Erue Domine animas eorum.

ψ. Requiescant in pace.

R. Amen.

ψ. Domine exaudi orationem meam.

R. Et clamor meus ad te veniat.

ψ. Dominus vobiscum.

R. Et cum spiritu tuo.

Oremus.

Deus, veniæ largitor, & humanæ salutis amator, quæsumus clementiam tuam: ut nostræ Congregationis fratres, propinquos, & benefactores, qui ex hoc seculo transferunt, beata Maria semper Virgine intercedente cum omnibus sanctis tuis, ad perpetuæ beatitudinis consortium pervenire concedas. Per Dominum nostrum Jesum Christum &c.
R. Amen.

ψ.

Requiem æternam dona eis Domine.

R. Et lux perpetua luceat eis.

ψ. Requiescant in pace.

R. Amen.

ALIA ORATIO

In Anniversario Defunctorum.

Deus indulgentiarum Domine: da animabus famulorum, famularumque tuarum, quorum anniversarium depositionis diem commemoramus, refrigerii sedem, quietis beatitudinem, & luminis claritatem. Per Dominum nostrum Jesum Christum &c. R. Amen.

ALIA ORATIO.

Fidelium Deus omnium Conditor, & redemptor, animabus famulorum, famularumque tuarum remis-
si.

241 fionem cunctorum tribue peccato-
rum: ut indulgentiam, quam semper
optaverunt, piis supplicationibus
consequantur. Qui vivis, & regnas
in sæcula sæculorum. R. Amen.

R. Requiem æternam dona eis
Domine.

R. Et lux perpetua luceat eis.

ψ. Requiescant in pace.

R. Amen.






PIUM EXERCITIUM
IN HONOREM
BEATISSIMÆ MARIÆ VIRGINIS
MATRIS DEI

ET
OMNIUM SANCTORUM

Fidelibus propositum in Charitate Christi,
& Sanctorum communione Viventibus,
ac S. Catholicæ Ecclesiæ Pastoribus sedulo
commendatum.



Fideles omnes, qui in societatem Christi vocati sunt, de fratribus errantibus in via solliciti summopere esse debent, & pro his ad viam Justitiæ reducendis preces fundere. Quapropter, qui oratione, hortatione, aut exemplo explebunt, magnum Charitatis officium impleverunt. Ad tantum igitur bonum assequendum orent fideles pro fratribus errantibus, & præsertim pro iis, qui cultui Beatissimæ Mariæ Virginis, & sanctorum, eorumque Imaginibus, & reliquiis adversantur, illosque ad viam



am veritatis verbo, scriptis & exemplo,
servata lege charitatis, reducere co-
nentur.

Festa sanctissimi Nominis Mariæ, &
omnium Sanctorum, de quorum ho-
nore præcipue agitur, peculiari spiri-
tus fervore celebrare contendant.

Ad hunc B. Virginis, & Sanctorum
cultum non solum amicos, Sed liberos,
demesticos, subditos hortari, & incen-
dere studeant, certam eorundem San-
ctorum, & Sanctorum Reginae tutelam,
& patrocinium experturi.

Singulis diebus mane recitabunt An-
tiphonom: *Salve Regina*. Vespere: *Sub-
tuum Præsidium*. Addendo semper:
*Dignare me laudare te, Virgo sacra-
ta, da mihi virtutem contra hostes tuos.*
Et: *Benedictus Deus in sanctis suis.*

Pium hoc Exercitium a Pluribus Ger-
maniae Proceribus exoptatum Ssmus.
Dnus. Nr: PIUS PP. VI. benigne ap-
probavit, spiritualibusque indulgentia-
rum Thesauris exornavit decreto ut se-
quitur.



D E C R E T U M

URBIS, ET ORBIS.

Ex Audientia SSmi. 5. Aprilis. 1786.

Ut Beatissimæ Virginis Deiparæ, & Omnium Sanctorum cultus in dies augeatur, & Adversantes sæculi conatus conterantur, SSmus. Dnus. noster PIUS PP. VI. enixis piorum Virorum precibus annuens, & singulis Christi fidelibus utriusque sexus, qui vero religionis spiritu ducti corde saltem contrito mane recitabunt Antiphonam: *Salve Regina. Vespere: Sub tuum Præsidium*, cum Versiculo: *Dignare me, laudare te &c.* & Versiculo altero: *Benedictus Deus in Sanctis suis.* Indulgentiam centum dierum quolibet die, ac septem annorum, totidemque quadragenarum diebus Dominicis concessit. Præterea iis omnibus, qui hujusmodi preces quotidie fuderint, Indulgentiam plenariam bis in Mense acquirendam, duabus videlicet cujusvis Mensis diebus Dominicis pro arbitrio eligendis, in quibus vere pœnitentes, confessi & S. Communione refecti juxta Sanctitatis suæ



suæ mentem per aliquod temporis spatium oraverint, benigne impertitus est. Eandemque plenariam indulgentiam cum iisdem conditionibus amantissime concessit in festis SSmi Nominis Mariæ, & omnium Sanctorum. Denique singulis fidelibus, qui aut sacramentaliter confessi, & S. Communione refecti, aut saltem corde vere sint contriti, plenariam indulgentiam in articulo mortis elargitus est.

Curabunt igitur fideles, qui hoc singulari Beneficio gaudere voluerint, præmissa sedulo explere, quo facilius ex hac mortali vita ad æternam Patriam in societatem B. Virginis, & Sanctorum omnium recipi mereantur. Voluit autem Sanctitas sua, hanc gratiam perpetuam fore sine ulla brevis expeditione, non obstantibus in contrarium quibuscunque.

Datum Romæ ex Secretaria S. Congregationis Indulgentiarum die & anno quibus supra.

V. CARD. BORROMÆUS

PRO PRÆFECTUS.

(L. S.)

THOMAS de MARCO Secretarius.

LI.



LITANIÆ

DE OMNIBUS SANCTIS.

Kyrie eleison.
 Chritte eleison.

Kyrie eleison.

Chritte audi nos.

Chritte exaudi nos.

Pater de cælis Deus, miserere nobis.

Fili redemptor mundi Deus, miserere
 nobis.

Spiritus sancte Deus, miserere no-
 bis.

Sancta Trinitas unus Deus, misere-
 re nobis.

Sancta Maria, ora pro nobis.

Sancta Dei Genitrix, ora pro nobis.

Sancta Virgo Virginum, ora pro no-
 bis.

Sancte Michael, ora pro nobis.

Sancte Gabriel, ora pro nobis.

Sancte Raphael, ora pro nobis.

Omnes sancti Angeli & Archangeli,

Orate pro nobis.

Om.



Omnes sancti beatorum spirituum
Ordines, orate pro nobis.

Sancte Joannes Baptista, ora pro
nobis.

Sancte Ioseph, ora pro nobis.

Omnes sancti Patriarchæ & Prophe
tæ, orate pro nobis.

Sancte Petre,

Sancte Paule,

Sancte Andrea,

Sancte Iacobe,

Sancte Joannes,

Sancte Thoma,

Sancte Iacobe,

Sancte Philippe,

Sancte Bartholomæe,

Sancte Matthæe,

Sancte Simon,

Sancte Thaddæe,

Sancte Matthia,

Sancte Barnaba,

Sancte Luca,

Sancte Marce,

Omnes sancti Apostoli & Evan-
gelistæ, orate pro nobis.

Ora pro nobis.

San-



Omnes sancti Discipuli Domini,
orate pro nobis.

Omnes sancti Innocentes, orate
pro nobis.

Sancte Stephane,

Sancte Laurenti,

Sancte Vincenti,

Sancti Fabiane & Sebastiane,
orate pro nobis.

Sancti Joannes & Paule, orate pro
nobis.

Sancti Dosma & Damiane, ora-
te pro nobis.

Sancti Gervasi, & Protasi, orate
pro nobis.

Omnes sancti Martyres, orate
pro nobis.

Sancte Silvester,

Sancte Gregori,

Sancte Ambrosi,

Sancte Augustine,


Sancte Hieronymus,

Sancte Martine,

Sancte Nicolae,

Ora pro nobis.

Om.



Omnes sancti Pontifices & Confellores, orate pro nobis.

Omnes sancti Doctores, orate pro nobis.

Sancte Antoni,

Sancte Benedicte,

Sancte Bernarde,

Sancte Dominice,

Sancte Francisce,

Omnes sancti Sacerdotes, & Levitæ, orate pro nobis.

Omnes sancti Monachi, & Eremitæ, orate pro nobis.

Sancta Maria Magdalena, ora pro nobis.

Sancta Agatha,

Sancta Lucia,

Sancta Agnes,

Sancta Cæcilia,

Sancta Catharina,

Sancta Anastasia,

Omnes sanctæ Virgines, & viduæ, orate pro nobis.

Omnes Sancti, & sanctæ Dei, intercedite pro nobis.

Ora pro nobis.

Pro-



Propitius esto, parce nobis Domine.

Propitius esto, exaudi nos Domine.

Ab omni malo, libera nos Domine.

Ab omni peccato,

Ab ira tua,

A subitanea & improvisa morte

Ab infidiis diaboli,

Ab ira, & odio, & omni mala, voluntate,

A spiritu fornicationis,

A fulgure & tempestate,

A morte perpetua,

Per mysterium sanctæ incarnationis tuæ,

Per adventum tuum,

Per nativitatem tuam,

Per Baptismum, & sanctum Jejunium tuum,

Per Crucem, & Passionem tuam,

Per mortem, & sepulturam tuam,

Per sanctam Resurrectionem tuam,

Per

Libera nos Domine.



Per admirabilem Ascensionem tu-
am,

Per adventum spiritus sancti pa-
racliti, libera nos Domine.

In die iudicii, libera nos Domine.

Peccatores, Te rogamus audi nos.

Ut nobis parcas,

Ut nobis indulgeas,

Ut ad veram pœnitentiam nos per-
ducere digneris,

Ut Ecclesiam tuam sanctam rege-
re & conservare digneris.

Ut domnum Apostolicum & om-
nes Ecclesiasticos ordines in
sancta religione conservare dig-
neris,

Ut inimicos sanctæ Ecclesiæ hu-
miliare digneris,

Ut regibus & principibus Chri-
stianis pacem & veram concor-
diam donare digneris,

Ut cuncto populo Christiano pa-
cem & unitatem largiri dignè-
ris.

Te rogamus audi nos.

Ut



Te rogamus audi nos.

Ut nosmetipsos in tuo sancto ser-
vitio confortare & conservare
digneris,

Ut mentes nostras ad cælestia de-
sideria erigas,

Ut omnibus benefactoribus no-
stris sempiterna bona retribuas.

Ut animas nostras fratrum, pro-
pinquorum, & benefactorum
nostrorum ab æterna damnatio-
ne eripias,

Ut fructus terræ dare & conserva-
re digneris,

Ut omnibus fidelibus defunctis re-
quiem æternam donare digne-
ris,

Ut nos audire digneris,

Fili Dei,

Agnus Dei, qui tollis peccata mun-
di; parce nobis Domine.

Agnus Dei, qui tollis peccata mun-
di; exaudi nos Domine.

Agnus Dei, qui tollis peccata mun-
di; Miserere nobis.

Christe audi nos.

Chri-



Christe exaudi nos.

Kyrie eleison.

Kyrie eleison.

Christe eleison.

Pater noster. *Secreto.*

ψ. Et ne nos inducas in tentationem.

℞. Sed libera nos a malo.

Psalmus 69.

Deus in adiutorium meum intende : * Domine ad adjuvandum me festina.

Confundantur & revereantur : qui
quærent animam meam.

Avertantur retrorsum , & erubescant :
qui volunt mihi mala.

Avertantur statim erubescentes :
qui dicunt mihi , Euge , euge.

Exultent , & lætentur in te omnes ,
qui quærent te , & dicant semper :
magnificetur Dominus , qui diligunt
salutare tuum.

Ego



Ego vero egenus & pauper sum :
Deus adjuva me.

Adjutor meus , & liberator meus
es tu Domine ne moreris. Gloria &c.

ψ. Salvos fac fervos tuos ,

℞. Deus meus sperantes in te.

ψ. Esto nobis Domine turris for-
titudinis. ℞. A facie inimici. ψ. Ni-
hil proficiat inimicus in nobis. ℞. Et
filius iniquitatis non apponat noce-
re nobis. ψ. Domine non secundum
peccata nostra facias nobis.

℞. Neque secundum iniquitates
nostras retribuas nobis. ψ. Oremus
pro pontifice nostro N. ℞. Dominus
conservet eum , & vivificet eum ,
& beatum faciat eum in terra , &
non tradat eum in animam inimico-
rum ejus. ψ. Oremus pro benefacto-
ribus nostris. ℞. Retribuere dignare
Domine omnibus nobis bona facien-
tibus propter nomen tuum vitam æter-
nam.



nam. Amen. *ψ*. Oremus pro fidelibus defunctis. *℞*. Requiem æternam dona eis Domine, & lux perpetua luceat eis. *ψ*. Requiescant in pace. *℞*. Amen.

ψ. Pro fratribus nostris absentibus.

℞. Salvos fac servos tuos Deus meus sperantes in te.

ψ. Mitte eis Domine auxilium de sancto.

℞. Et de Sion tuere eos.

ψ. Domine exaudi orationem meam.

℞. Et clamor meus ad te veniat.

OREMUS.

Deus, cui proprium est misereri semper, & parcere, suscipe deprecationem nostram: ut nos, & omnes famulos tuos, quos delictorum



rum catena constringit, miseratio
tuæ pietatis clementer absolvat.

Exaudi quæsumus Domine, suppli-
cum preces, & confitentium ti-
bi parce peccatis: ut pariter nobis
indulgentiam tribuas benignus, & pa-
cem.

Intestabilem nobis Domine miseri-
cordiam tuam clementer ostende:
ut simul nos & a peccatis omnibus
exuas: & a pœnis, quas pro his me-
remur, eripias.

Deus, qui culpa offenderis, pœ-
nitentia placaris: preces popu-
li tui supplicantis propitius respice,
& flagella tuæ iracundiæ, quæ pro
peccatis nostris meremur, averte.

Om-



Omnipotens sempiterne Deus, miserere famulo tuo Pontifici nostro N. & dirige eum secundum tuam clementiam in viam salutis æternæ, ut te donante tibi placita cupiat, & tota virtute perficiat.

Deus, a quo sancta desideria, recta consilia, & iusta sunt opera: da servis tuis illam, quam mundus dare non potest, pacem: ut & corda nostra mandatis tuis dedita, & hostium sublata formidine, tempora sint tua protectione tranquilla.

Vre igne S. Spiritus renes nostros & cor nostrum, Domine: ut tibi casto corpore serviamus, & mundo corde placeamus.

Fidelium Deus omnium conditor
& redemptor, animabus famulorum, famularumque tuarum re-
L mis-



missionem cunctorum tribue peccatorum : ut indulgentiam, quam semper optaverunt, piis supplicationibus consequantur.

Actiones nostras, quæsumus Domine aspirando præveni, & adjuvando prosequere : ut cuncta nostra oratio & operatio a te semper incipiat & per de cæpta finiatur.

Omnipotens sempiterne Deus, qui vivorum dominaris simul & mortuorum, omniumque misereris, quos tuos fide & opere futuros esse prænoscis : te supplices exoramus ; ut, pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscipit, intercedentibus omnibus Sanctis tuis, pietatis tuæ clementia omnium delictorum suorum veniam consequantur. Per Dominum nostrum
Je-



Jesum Christum Filium tuum, qui
tecum vivit, & regnat in unitate
Spiritus sancti Deus, per omnia sæ-
cula sæculorum. R. Amen.

Ÿ. Domine exaudi orationem me-
am.

R. Et clamor meus ad te veniat.

Ÿ. Exaudiat nos omnipotens &
misericors Dominus. R. Amen.

Ÿ. Fidelium animæ per misericor-
diam Dei requiescant in pace.

R. Amen.

ANTIPHONÆ.

De B. Maria Virgine.

*A Dominica prima Adventus usque ad
Purificationem inclusive.*

Alma Redemptoris Mater, quæ
pervia cœli.



Porta manes, & stella maris, suc-
curre cadenti,

Surgere qui curat, populo: tu quæ
genuisti,

Natura mirante, tuum sanctum ge-
nitorem.

Virgo prius, ac posterius, Ga-
brielis ab ore,

Sumens illud Ave; peccatorum
miserere.

*In Adventu. v̄. Angelus Domi-
ni annuntiavit Mariæ.*

R. Et concepit de spiritu sancto.

OREMUS.

Gratiam tuam, quæsumus Domine
mentibus nostris infunde: ut,
qui Angelo nunciante, Christi Filiū
tui incarnationem cognovimus, per
passionem ejus & crucem ad resur-
rectio-



rectionis gloriam perducamur. Per
eundem Christum Dominum nostrum.
R. Amen.

*Post Nativitatem. v. Post partum
Virgo inviolata permansisti.*

R. Dei genitrix intercede pro
nobis.

OREMUS.

Deus, qui salutis æternæ, B. Ma-
riæ Virginitate fœcunda, hu-
mano generi præmia præstitisti: tri-
bue, quæsumus, ut ipsam pro no-
bis intercedere sentiamus, per quam
meruimus auctorem vitæ suscipere,
Dominum nostrum Jesum Christum
Filium tuum. R. Amen.

*Post Purificationem usque ad Feri-
am quintam in Cæna Domini inclusive.*

Ave Regina Cœlorum,
Ave Domina Angelorum:
Sal-



Salve Radix, salve porta,
Ex qua mundo lux est orta.
Gaude Virgo gloriosa,
Super omnes speciosa,
Vale o valde decora,
Et pro nobis Christum exora.

ŷ. Dignare me, laudare te, Vir-
go sacrata.

R. Da mihi virtutem contra ho-
stes tuos.

OREMUS.

Concede misericors Deus fragili-
tati nostræ præsidium: ut qui
sanctæ Dei Genitricis memoriam agi-
mus, intercessionis ejus auxilio a
nostris iniquitatibus resurgamus. Per
eundem Christum Dominum nostrum.
R. Amen.

Tem-



Tempore Paschali usque ad octavam Pentecostes inclusive.

Regina cœli lætare, Alleluja.
Quia quem meruisti portare,
Alleluja.

Resurrexit, sicut dixit, Alleluja.
Ora pro nobis Deum, Alleluja.

ψ. Gaude & lætare Virgo Maria
Alleluja.

℟. Quia surrexit Dominus vere,
Alleluja.

OREMUS.

Deus, qui per resurrectionem Filii
tui, Domini nostri Jesu Christi
mundum lætificare dignatus es: ræ-
sta quæsumus, ut per ejus genitri-
cem Virginem Mariam, perpetuæ
capiamus gaudia vitæ. Per eundem
Christum Dominum nostrum.

*Ab octava Pentecostes usque ad Ad-
ventum inclusive.*

Antiphona.

Salve regina mater misericordiæ,
vita dulcedo & spes nostra salve.
Ad te clamamus exules filii Evæ,
ad



ad te suspiramus gementes & flentes
in hac lachymarum valle. Eja ergo
Advocata nostra, illos tuos miseri-
cordes oculos ad nos converte. Et
Iesum benedictum fructum ventris
tui, nobis post hoc exilium ostende.
O clemens, o pia, o dulcis Virgo
Maria.

ŷ. Ora pro nobis sancta Dei Ge-
nitrix.

R. Ut digni efficiamur promissio-
nibus Christi.

OREMUS.

Omnipotens sempiterne Deus ;
qui gloriosæ Virginis Matris
Mariæ corpus & animam, ut dignum
Filii tui habitaculum effici mere-
retur, Spiritu sancto cooperante præ-
parasti : da, ut cujus commemora-
tione lætamur, ejus pia intercessio-
ne ab instantibus malis, & a morte
perpetua liberemur per eundem Chri-
stum Dominum nostrum. R. Amen.

ŷ. Divinum auxilium maneat sem-
per nobiscum, R. Amen.





ad te suspiramus gementes & flentes
in hac lachymarum valle. Eja ergo
Advocata nostra, illos tuos miseri-
cordes oculos ad nos converte. Et
Iesum benedictum fructum ventris
tui, nobis post hoc exilium ostende.
O clemens, o pia, o dulcis Virgo
Maria.

ŷ. Ora pro nobis sancta Dei Ge-
nitrix.

R. Ut digni efficiamur promissio-
nibus Christi.

OREMUS.

Omnipotens sempiterne Deus,
qui gloriosæ Virginis Matris
Mariæ corpus & animam, ut dignum
Filii tui habitaculum effici mere-
retur, Spiritu sancto cooperante præ-
parasti: da, ut cujus commemora-
tione lætamur, ejus pia intercessio-
ne ab instantibus malis, & a morte
perpetua liberemur per eundem Chri-
stum Dominum nostrum. R. Amen.

ŷ. Divinum auxilium maneat sem-
per nobiscum, R. Amen.



Officium defunctorum

Monachium 1787

Liturg. 952

urn:nbn:de:bvb:12-bsb10591217-4

VD18 1457263X-001